



新刊監本冊府元龜卷之二百七十六

宗室部十五

褒寵二

宋長沙景王道憐高祖中第永初二年朝正入住殿省三年高祖不豫加班劔三十人六月薨追贈太傅持節侍中都督刺史如故祭禮依晉太宰安平王故事鸞輅九旒黃屋左纛輜輶車挽歌二部前後部羽葆鼓吹虎賁班劔百人

長沙城王義欣景王道憐子元嘉七年遷使持節監豫司雍并四州諸軍事征虜將軍如故給鼓吹一部十一年夏入太廟太祖厚加恩禮

臨川武烈王道規高祖少弟晉義熙末位至荊州刺史征西將

軍高祖受命贈大司馬追封臨川王文帝少為道規所卷後文帝還本以長沙王子義慶嗣慶為荊州廟主當隋任江陵文帝下詔褒美勲德及慈蔭之重曰褒道崇勲經國之盛典尊親追遠因心之所隆故侍中大司馬臨川武烈王體道欽明至德淵邈睿哲自天孝友光備爰始協規則翼贊景業陵威致討則剋翦梟鯨逮妖逆交侵方難孔棘執踰累棊人無固志王神謨獨運靈武宏發輯寧內外誅覆群凶故已化被江漢勲高徽管遠猷侔有二南英雄邁於兩獻者矣朕幼蒙殊愛德廕特隆豐恩慈訓義深情戚永惟仁範感慕纏懷今當擁移寢祐初祀西夏思崇嘉禮式備徽章庶以昭宣風度允副幽顯其追崇丞相加殊禮鸞輅九旒黃屋左纛輜輶車挽歌二部前後部羽葆鼓吹虎賁班劍百人侍中如故反長沙太^妃檀氏臨川太妃曹氏後^世郊祭^司給鸞輅九旒黃屋左纛輜輶車挽歌二部前後部羽葆鼓吹虎賁班劍百人

江夏文獻王義恭高祖之子高祖特所鍾愛諸子莫及元嘉十七年徵為侍中司徒錄尚書事給班劍二千人置兵加仗二十一年進位大尉領司徒相府年給錢二千萬他物稱此而義恭性奢用常不足太祖又別給錢年千萬二十六年領國子祭酒時有獻五百^里馬者以賜義恭二十七年出鎮欽城二十九年冬還朝帝以御乘蒼鸞船上迎之元凶弒逆義恭上表勸進世祖踐祚授使持節侍中都督揚南徐三州諸軍事大尉錄尚書六條事揚南徐三州刺史給鼓吹一部班劍二十人又假黃鉞事

寧進位太傅領大司馬增班劔三十人以所服玉環大綬賜之
增封二千戶孝建元年南郡王義宣減質魯爽等反加黃錢白
直百人入六門事平以減質七百里馬賜義恭又增封二千戶
大明三年省兵佐加領中書監以崇藝昭武永元三營合四百
三十七戶給府吏增吏僅千七百人合為二千九百人六年解
司徒府太宰府依舊辟召又年給三千匹布撰國史孝武自為
義恭作傳永光元年八月為廢帝所害明帝定亂追崇使持節
侍中都督中外諸軍事丞相領廷尉中書監錄尚書事並如故
給九旒鸞輅虎賁班劔百人前後部羽葆鼓吹輜輶車又下詔
曰皇基崇建屯剝維難引啓熙載底績忘果故從享世祀勒勲
宗彞世祖定亂定業寔資翼亮故持節侍中都督使外諸軍事

丞相領太尉中書監錄尚書事江夏文獻王義恭故使持節中
都督南豫三州軍事大尉南豫州刺史巴東郡開國忠烈公元
景故侍中司空始興郡開國襄公慶之故持節征西將軍雍州
刺史洮陽縣開國肅侯慤或體道冲玄變化康世或盡誠致效
夷難龕逆宜式遵國陪祭廟廷

義恭子伯禽孝建三年生元亮作逆義恭諸子皆遇害朝廷哀
之至是孝武名之曰伯禽以擬魯公伯禽周公旦之子也

衡陽王義季高祖之子太祖為荊州高祖使隨從由是特為太
祖所愛元嘉十六年代臨川王義慶為荊州給鼓吹一部義季
素拙書帝聽使餘人書啓事唯自署名而已義季病篤帝遣中
書令徐湛之省疾召還京師未及祭薨於彭城時年二十三

彭城王義康高祖之子太祖即位進號驃騎將軍加散騎常侍給鼓吹一部元嘉二年改授都督荆湘等八州諸軍事給班劍三十人九年太妃薨辭班劍解侍中十二年復加侍中班劍南郡王義宣高祖之子世祖即位以為中書監進號中軍將軍加散騎帝侍給鼓吹一部又都督揚豫二州丞相錄尚書六條事加羽葆鼓吹給班劍四十人

竟陵王誕文帝第六子元嘉二十六年為會稽太守加鼓吹一部孝武既平元凶進號驃騎將軍加班劍二十人

建平王宏文帝第七子也文帝寵愛殊常為立第於雞籠山盡山水之美建平國職高他國一階

廬江南王禕文帝第八子大明二年為散騎常侍書令領驍騎將軍給鼓吹一部明帝踐祚加侍中中書監給班劍三十人桂林王休範文帝第十八子永光初以驃騎大將軍還為江州進都督越州諸軍事給三望車一乘明帝遣詔進位司空侍中加班劍三十人

始平王子鸞孝武第八子母殷淑儀寵冠後宮子鸞愛冠諸子凡為帝躬遇者莫不入子鸞之府國及為南徐州又割吳郡以屬之六年以本官兼司徒進號撫軍司徒給即禮儀並依正公又加都督南徐諸軍事八年加中書令領司徒

成安王準明帝第三子拜撫軍將軍置佐史元徽二年進號車騎將軍都督揚南豫州諸軍事給鼓吹一部刺史如故四年進號騎驃大將軍開府儀同三司班劍三十人都督刺史如故

營浦侯遵考高祖族弟也明帝即位為侍中帝進右光祿大夫領崇憲太僕給親侍三十人泰始五年賜几杖太官四品賜珍味疾病太醫給藥固辭几杖

當陽侯秉長沙王道憐孫也為尚書左僕射參選元徽元年領吏部加兵五百人桂陽王休範為逆中領軍勳出守石頭秉權兼撫軍將軍所給加兵自隨入殿

南譙王世子恢南郡王義宣子也晉氏過江不置城門校尉及衛尉官孝武欲重城禁故復置衛尉卿以恢為侍中領尉尉衛尉之置自恢如也

南齊豫章王嶷太祖第二子特所鍾愛太祖即位以為都督荆湘等八州諸軍事南蠻校尉荆湘二州刺史持節侍中將軍開

府如故晉宋之際刺史多不領南蠻別以重人居之至是二府

二州荆州資費歲鍾三千萬布萬疋米六萬斛南蠻資費歲錢

三千萬布萬疋絲千斤絹三百疋米千斛近代莫比也尋給油

絡俠望車又給班劍二十人入為都督楊南徐三州諸軍事中

書監司空加兵置佐以前軍臨川王映府文武配司空府世祖

即位進位大尉永明三年中詔曰漢之梁孝寵異列藩晉之秦

獻秩殊常序况乃地侔前准勲兼徃式雖天倫有本命而因事

增情宜廣田邑用申恩禮增封為四千戶元嘉世諸王入齊閣

得白服郡帽見人主唯出太極四廟乃備朝服自此已來此事

一斷帝與嶷同生特相友睦宮中曲宴許依元嘉嶷固辭不奉

勅唯車駕幸第乃以白服烏紗帽侍宴大明八年給皂輪車妃庾氏

常有疾瘳帝幸後堂設金石樂宮人畢至每臨幸輒極日盡歡
疑疾篤表解職不許賜錢百萬營功德疑又啓曰臣自嬰公恙
亟降天臨鑿降術宮泉開藏府慈寵優渥備極人臣生年疾迫
遽陰無幾願陛下審賢興善極壽蒼旻強德納和為億兆御臣
命違昌數奄奪恩憐長辭明世伏涕嗚咽薨日帝再視疾至薨
乃還宮詔曰疑明哲至親勲高業顯德懋王朝道光區縣奄至
薨逝痛酷抽割不能自勝柰何今便臨哭九命之禮宜備其制
歛以袞冕之服溫明秘器命服一具衣襲喪事一依漢東平王
故事大鴻臚持節護喪事太官朝夕送奠大司馬大傅二府文
府悉停過葬竟陵王子良上啓曰臣聞春秋所以稱王母弟者
以尊其所重故也是以禮秩殊品爵命崇異在漢則梁王備出
警入蹕之儀在晉則齊王具殊服九命之贈江左以來尊親是
闕故致袞冕之典廢而不傳寔由人缺其位非禮虧省齊王故
事與今不殊締構王業功迹不異凡有變革隨時之宜者正緣恩
情有輕重德義有厚薄若事籌前規禮無定則且梁齊闕今終
之美猶饗^贈襄之榮况故大司馬仁和著於天性孝悌終於士身
節義表於勤王寬猛彰於御物奉上無艱劬之貌接下無毀傷
之容淡矣止於清身無喜愠之色悠然棲於靜默絕馳競之恥
詩云靡不有初鮮克有終夫終之者理實為難在於今行無廢
斯德東平樂於小善河間悅於詩書勲績無聞艱危不涉尚致
卓尔不羣聲萬代况今協贊黃基經綸霸始功業高顯清譽喻
彰富貴隆重廉潔彌峻等古形今孰類茲美臣恐忖度未有斯

例凡庶族同氣愛睦尚少豈有仰覩陛下垂友于之性若此者
手共起布衣俱登天貴生平游處何事不同分其均味何珍不
等未嘗不覩貌而天心懼見形而聖儀悅爰其臨危捨命親瞻
喘息萬分之際沒在聖目號哭動手天地感慟驚手鬼神乃至
撤膳移寢坐位遷祖神儀損耗隔宿改容奉瞻望顏誰不悲悚
歷古所未聞記籍所不載既有若斯之大德實不可見典服之
贈不彰如其脫致虧忘追改為煩不令千載之下物有違限其
德不具美者尚荷嘉^隆之命况事先烈者寧可缺茲盛典臣恐
有識之人容致其議且庶族近代桓温庾亮之類亦降殊命伏
度天心已當有在又詔曰寵章所以表德秩禮所以紀功慎終
追遠前王之盛策累行疇庸列代之通誥故使持節都督揚南

徐二州諸軍事大司馬領太子太傅揚州刺史新除中書監豫
章王嶷體道秉哲經仁緯義挺清譽於弱齡發韶風於早日締
綸霸業之功翼贊皇基之始孝睦著於鄉閭忠諒彰乎邦邑及
秉德論道摠牧神甸七教必荷六符咸理振風潤雨無騫於時
候卹民極物有篤於矜懷雍容廊廟之華儀彤列郡之觀神凝
自遠具瞻允集朕友于之深情無家國方授以神圖委諸廟勝
緝頌九絃陪禪五嶽不憖遺德奄焉薨遊哀痛傷惜震慟于厥
心今先遠戒期龜筮襲吉宜加茂典以協徽猷可贈假黃鉞都
督中外諸軍事丞相揚州牧綠綬綬具九服錫命之禮侍中大
司馬太傅王如故給九旒鸞輅黃屋左纛虎賁班劍百人輜涼
車前後部羽葆鼓吹奠送儀依東平王故事臨川獻王映太祖

第三子出為都督荆湘等九州諸軍府鎮西將軍給鼓吹一部
永平二年給油輅車七年薨賜東園秘器朝服一具衣一襲
司空

長沙威王晃太祖第四子世祖即位進號車騎將軍侍中如故
給油絡車鼓吹一部永明八年薨賜東園秘器朝服一具衣一
襲即本號贈開府儀同三司太祖常日此我家任城也世祖緣
此意謚曰成

武陵昭王曄太祖第五子母羅氏從太祖在淮陰以罪誅故曄
見愛世祖即位為丹陽尹常時將軍如故始不復置行事得自
親政轉侍中護將軍給油絡車又給扶二人世祖遺詔為衛將
軍開府儀同三司給鼓吹一部隆昌元年薨賜東園秘器朝服

贈司空侍中如故給節班劍二十人

鄱陽王鏘太祖第七子鏘和悌美令有寵於世祖永明十一年
為領軍將軍領軍之授齊室諸王所未為車駕遊幸常甲仗衛
從恩待次豫章王嶷其年給油絡車隆昌元年俄遷侍中驃騎
將軍開府儀同三司領兵置佐

桂陽王鑠太祖第八子性清羸有冷疾常枕卧世祖臨視賜床
帳衾褥

始興簡王鑑太祖第十子永明九年進為散騎常侍領石頭戍
事世祖以與鑑久別車駕幸石頭宴會賞賜

景陵王子良武帝第二子建元二年為丹陽尹制東宮官
下致敬子良永明元年徙為侍中都督南充徐青冀五州征北

將軍南兗州刺史持節如故給油絡車明年入為護將軍兼司
徒領兵置佐侍中如故鎮西州三年給鼓吹一部四年進龍車
騎將軍五年進位司徒給班劍二十人八年給三望車爵林即
位進位太傅增班劍三十人隆昌元年加殊禮綬履上殿入朝
下趨贊拜不名其年薨爵林常慮子良有異志及薨甚悅詔給
東園溫名秘器歛以袞冕之服東府施喪位大鴻臚持節監護
太官朝夕送祭又遣追崇假黃鉞侍中都督中外諸軍事太宰
領大將軍揚州牧綠綬綬備九服錫命之禮使持節中書監王
如故給九旒鸞輅黃左纛輜輶車前後部羽葆鼓吹挽歌虎賁
班劍百人葬禮依晉安平王孚故事

晉安王子懋武帝第七子永明十一年為使持節都督齊梁等
四州二郡諸軍事征北將軍雍州刺史給鼓吹一部豫章王喪
服未畢帝以邊州須威望許得奏之

隋郡王子隆武帝第八子帝以子隆能屬文謂王儉曰我家東
阿重出實為皇家藩屏永明八年為使持節荆雍六諸軍事荆
州刺史給鼓吹一部

南康王子琳武帝子以母寵故最見愛太尉王儉因請婚武帝
悅而許之郡臣奉寶物名好盡直數百金武帝為之報吞亦如
此及應封而好郡已盡乃以宣城封之既而以宣城屬揚州不
欲為王國改封南康公褚齊為巴東公以南康為王國封子琳
新吳侯景先太祖從子也武帝即位為侍中領左軍將軍兼
領軍將軍景先事帝盡心故恩寵特密初西還帝坐景陽樓召

景先語故舊為豫章王一人在席而已轉中領軍車駕射雉郊外行游景先常甲仗從廉察左右永明五年為征虜將軍討陽尹摠率步騎屯義陽遇疾卒帝傷惜之詔曰西信適至景先奄至喪逝悲懷切割不能自勝今便舉哀賻錢十萬布二百匹景先喪還詔曰新吳侯景先器懷開亮幹局通敏綢繆少長義無勲戚誠著夷險續茂所司方寵榮用伸任寄奄至喪逝悲痛良深贈侍中征北將軍南徐州刺史給鼓吹一部假節侯如故謚曰忠侯

南豐伯赤斧太祖從祖弟也世祖親遇與蕭景先相比及卒無儲積無絹為衾帝聞之愈惋惜詔賻錢五萬上材一具布百疋蠟二百斤追贈金紫光祿大夫謚曰懿伯子穎胄起家秘書郎

太祖謂赤斧曰穎胄輕朱被身覺其進轉美足慰人意遭父喪感脚疾數年然後能行世祖有詔慰勉賜醫藥穎胄好文弟穎基好武世祖登烽火樓詔賦詩合音帝曰卿文弟武宗室便不乏才明帝廢立賜穎胄常所乘白犢牛中興元年為侍中尚書令監八州軍事行荊州刺史及卒和帝出臨詔賜侍中丞相本官如故前後部羽葆鼓吹班劍三十人輜輶車黃屋左纛曲江縣公遙光太祖兄衡陽元王道度之子明帝初即位誅賞諸事唯遙光共謀議建武二年進號撫軍將軍加散騎常侍給通德車鼓吹後加侍中中書令永明元年給班劍二十人即本號開府儀同三司

豐城縣公遙光遙昌弟也建武中官至征虜將軍豫州刺史永

泰元年卒帝愛暹昌兄弟如子甚痛惜之贈車騎將軍儀同三司帝以問徐孝嗣孝嗣曰豐城本資尚輕贈以班台如為心過帝曰卿乃欲存萬代准則此我孤兄弟子不得與計

南郡王昭業文惠太子長子永明七年有司奏給班劍二十人鼓吹一部高選友學十一年給皂輪三望車詔高選國官巴陵王寶義明帝長子為南徐州刺史東昏即位進征北大將軍開府儀同三司給仗永元元年給班劍二十人

梁長沙王業武帝長兄懿之子也仕齊至侍中尚書令征虜將軍為東昏侯所害和帝中興元年追贈侍中中書監司徒太后臨朝改贈太傅天監元年追崇丞相王爵給九旒鸞輅輜輶車黃屋左纛前後部羽葆鼓吹挽歌二部武賁班劍百人一依晉

安平王故

臨川靖惠王宏太祖第六子天監元年為後軍將軍揚州刺史又給鼓吹一部七年三月以疾累表自陳詔許解揚州餘如故四月薨自疾至于薨輿駕七出臨視及葬詔曰侍中太尉臨川王宏器宇冲貴雅量孔通爰初弱齡行彰素履逮于應務嘉猷載緝自皇業起基地惟介弟又司神甸歷位台階論道登朝物無異議朕友于之家國無情方孔燮贊儀刑列辟天不憖遺奄焉弗永哀痛抽切震動于厥心宜增峻禮秩式昭懋典可贈侍中太將軍揚州牧假黃鉞王如故并給羽葆鼓吹一部增班劍為六十人給溫明秘器劍以袞服

安成康王秀太祖第七子天監五年以右將軍加領軍中書令

給鼓吹一部十六年為雍州刺史寧蠻校尉十七年薨高祖聞之甚痛遣皇子南康王績緣道迎候

南平元襄王偉太祖第八子齊和帝以為雍州刺史寧蠻校尉天監元年進督荆寧二州俄給鼓吹一部十三年改為左光祿大夫加親信四十人歲給米萬斛布絹五千疋藥直三百四十萬厨供月二十萬并二衛兩營雜役二百人先置防閣白直左右職司一百人偉末年疾浸劇不復出藩故俸秩加焉大通四年遷中書令大司馬五年薨詔歛以充冕給東園秘器又詔曰矜德紀功前王令典慎終追遠列代通規故侍中中書令大司徒南平王偉器宇宏曠監識弘簡爰在弱齡清風載穆翼佐草昧勲高樊沔契濶艱難勿勞任寄及贊務論道弘茲充職奄焉

薨遊朕用震慟于厥心宜降寵命式昭茂典可贈侍中太宰王如故給羽葆鼓吹一部并班劍四十人

鄱陽忠烈王恢太祖第九子天監十一年為平西將軍雍州刺史給鼓吹一部七年為荊州刺史進號驃騎大將軍普通七年九月薨于州詔曰故使持節散騎常侍都督荆湘雍梁益寧南北秦八州諸軍事驃騎大將軍開府儀同三司荊州刺史鄱陽王恢風度開朗器清凝質爰在弱歲美譽克宣洎于從政嘉猷載緝方入正論道孔燮台階奄焉薨遊朕用傷慟于厥心宜隆寵命以申朝典可贈侍中護喪事

始興中式王憺太祖第十子天監初為平西將軍荊州刺史二年加鼓吹一部十四年遷鎮右將軍荊州刺史十八年徵為侍

中中府將軍開府儀同三司領軍將軍普通三年十一月薨追贈侍中司徒驃騎將軍給班劍三十人羽葆鼓吹一部冊曰故侍中司徒驃騎將軍始興王夫忠為令德武謂止戈于以用之載在前志王有佐命之元勳利人之厚德契濶二紀終始不渝是用方軌往賢稽擇故訓鴻名美號允臻其極今遺大鴻臚程爽謚曰忠武魂而有靈歆茲顛號嗚呼哀哉

四昌侯藻長沙王懿之次子大通三年為中將軍太子詹事出為丹陽尹高祖每嘆曰子弟並如迦葉吾復何憂迦葉藻小名也

吳平侯景高祖從父弟大監初為冠軍將軍南兗州刺史詔景毋毛為國太夫人禮如王國大妃假金車紫綬十三年徵為鎮軍將軍直殿省知十州損益事月如祿五萬十九年為安西將軍鄧州刺史將行幸建興苑錢別為之流涕詔鼓吹一部廬陵威王績高祖五子大通二年為雍州刺史南蠻校尉平北將軍給鼓吹一部

邵陵王綸高祖第六子普通七年拜侍中大通平加信威將軍置佐史

武陵王紀高祖第八子授揚州刺史中書詔成武帝加四句曰身白儉素是其清也臨財能讓是其廉也知法不犯是其慎也庶事無屈是其勤也紀特為帝所愛

南郡王大連簡文帝大同十年高祖幸朱方與兄大臨並從尚祖各給馬試之俱得馳驟之捷高祖大悅他日謂太宗曰昨見

大臨大連風韻可愛足以慰吾老年

忠壯世子方等元帝長子也征河東王溺死世祖後追思其才
贈侍中中軍將軍揚州刺史為招魂以哀之

陳永脩侯擬高祖疎屬也文帝即位為丹陽王天嘉元年卒贈
領軍將軍凶事所須並官資給二年配饗高祖廟庭

宜黃侯惠紀高祖之從孫也至德二年遷雲麾將軍荊州刺史
賜女妓一部

南康愍王曇即高祖母弟忠壯王休先子也休先為質於齊為
齊所害時與齊絕尚弗之知高祖踐祚以曇即襲封南康郡王
奉忠壯王祀禮袂一同皇子天嘉二年齊人結好方始知之世
祖詔曰夫追遠慎終抑聞前誥南康王曇即明哲懋親藩維是

屬入質北齊用紆時艱皇運肇興未獲旋反永言跋望日夜不
忘齊使始至凶問奄出追懷痛悼無倍常情宜隆寵數以光常
序可贈侍中安將軍開府儀同三司南徐州刺史謚曰愍

衡陽獻王昌高祖第六子荊州陷與高祖俱迂關右天嘉元年
乃得還百寮上表曰杆城之寄匪親勿居宜啓服衡疑無崇徽
飾臣等參議請以為散騎常侍都督湘州諸軍事驃騎將軍湘
州刺史衡陽郡王加給皂輪三望車後部鼓吹一部班劍二十
人啓可奉行三月入境詔令中書舍人緣道迎候丙子濟江於
中流船壞以溺薨柩至京師上親出臨哭乃下詔曰夫寵章所
以嘉德禮數所以崇親乃歷代之通規固前王之令典親除使
持節散騎常侍都督湘州諸軍事驃騎將軍湘州牧衡陽王昌

明哲在躬珪璋早秀教敬內湛聰睿外宣梁季艱虞宗社顛墜
西京輪覆陷身關隴及鼎業初基外藩逆命聘問斯阻音信莫
通睠彼機槁將憐烏曰今者郡公戮力多難克清輕傳入郭無
勞假道周朝敦其繼好驂駕歸來欣此朝聞庶歡昏定報施徒
語曾莫輔仁人之云亡殄瘁斯在奄焉薨殞倍增傷悼津門之
慟空在常岫之竊不追靜言念之心焉如割宜隆懋典以協徽
猷可贈侍中假黃錢都督中外諸軍事太宰楊州牧給東園溫
明祕器九旒鑿輅黃屋左纛武賁班劍百人輜輶車前後部羽
葆鼓吹奠送之儀一依漢東平獻王齊豫章文獻王故事仍遣
大司空持節迎護喪事大鴻臚副其羽衛殯送所須隨由備辦
始興王伯茂文帝第三子帝纂位詔封始興王以奉昭烈王道

談嗣時舊制諸王受封未加戎號者不置佐吏於是尚書八座
奏曰夫增崇徽號飾表車服所以闡彰厥德下變民望第二皇
子新除始興王伯茂體自尊極神姿明穎玉映鵬辰蘭芬綺歲
清暉美譽日茂月昇道鬱平河聲超堯植皇情追感鑿性天深
以本宗闕緒慕豕藩嗣雖珪杜是膺而戎章未襲豈所以光崇
睿哲寵樹皇枝臣等恭議宜加寧遠將軍置佐吏詔曰可以太
子母弟深愛之征北軍人盜發晉郗曇墓大獲晉右將軍王羲
之書及諸名賢遺迹文帝以伯茂好古多以賜之

鄱陽王伯山文帝第三子帝深器之高祖時天下草創諸王受
封儀注多闕及伯山受封帝欲重其事天嘉元年七月八座奏
封伯山乃遣持節大宰蕭眷告于太宰王質告于太社十月帝

臨軒冊命策訖令王公已下讌於王第

新刊監本冊府元龜卷之二百七十六

新刊監本冊府元龜卷之二百七十七

宗室部

褒寵第三

後魏陳留桓王虔昭成帝孫也武力絕倫與慕容垂戰沒道武
追惜傷慟者數焉配享廟庭封其子悅為末提王悅外和內狠
道武以桓王死王事特加親寵

秦明王翰子儀道武之孫為左丞相從征討有功大武之初育
也道武喜夜詔儀入曰鄉聞夜喚乃不恠懼乎儀曰恠則有之
懼實無也帝告以太武王賜儀御馬御帶繡錦等道武以儀器
望待之尤重數幸其第如家人禮

中山王纂秦明王翰孫初道武養於宮中太武踐祚除定州刺

史封中山公進爵為王錫步 凡以優異之

常山王遵子素道武之曾孫明元從母所生特見親寵

陳留王虔兄覬性嚴重少言道武常敬之雅有謀策從平中山以功賜爵蒲城侯平盧太守特見寵厚給鼓吹羽儀禮同兵牧蒞政以威信著稱

陽平王熙道武子明元治兵於東部詔熙督十二軍校閱甚得軍儀明元嘉之賞賜隆厚泰常六年薨明元哀慟不已賜温明秘器禮物備焉

河間公輿都初封樂成子猷文初以子東陽王丕貴重進爵樂城侯謝老歸家帝益禮之賜几杖服物致膳於第其妻婁氏為東陽王大妃卒追贈定州刺史河間公

任城王雲景穆之子為征東大將軍徐州刺史以大妃蓋氏薨表求解任百姓所遺錢貨一無所受顯祖聞而嘉之復拜侍中賜錢千貫羊千口出為雍州刺史州民頌之者千人文明太始嘉之賜帛千匹薨於州喪至京師車駕親臨哭

北海王詳獻文之子孝文帝自洛北巡詳與侍中彭城王勰並在輿輦陪侍左右至文成射銘之處詔詳與侍臣皆試射遠近唯詳箭箭不及文成箭所十餘步孝文嘉之拊掌欣笑遂詔勒銘親自為製車駕南伐行中領軍留守給鼓吹一部甲仗三百人咸陽王禧獻文之子太和中為冀州刺史孝文餞於南郊表朝京師將還州親餞之賦詩叙意入為司州牧都督司豫荆郢洛東荆六州諸軍事詔以禧元弟之重食邑三千戶自餘五王

皆食二千戶

趙郡靈王幹獻文之子孝文南伐以幹為車騎將軍都督關右諸軍事給銅虎符十別賜詩書班師廷洛除都督冀定瀛三州諸軍事征東大將軍冀州刺史開府如故賜雜物五百段又密賜黃金十斤孝文親餞於近郊後轄司州牧車駕南封詔幹都督中外諸軍事給鼓吹一部甲士三百人出入殿門太和二十三年薨給東園祔罍歛服十五稱贈帛三千疋陪葬長陵廣陵惠王羽獻文之子大和中進號驍衛將軍征東大將軍開府青州刺史孝文幸羽弟與諸弟言曰朕昨親受八詔始知廣陵之明了咸陽王禧曰臣年為廣陵兄明為廣陵弟孝文曰我為汝兄汝為羽昆復何恨親餞之華林園宣武即位面受司徒薨於

宣府親臨哀慟給東園溫和祔罍朝服一具衣一襲錢六十萬布一千疋蠟三百斤大鴻臚護喪事大殮帝親臨之舉哀于都亭贈使持節侍中驃騎大將軍司徒公冀州刺史給羽葆鼓吹班劍四十人及葬帝親臨送

彭城王勰獻文之子孝文南封漢陽假勰中軍大將軍鼓吹加一部及為中書令孝文宴大臣於清徽堂日宴移於流化流芳林之下孝文曰向宴之始君臣肅然及將軍觴也而流景將頽竟不盡適戀戀餘光故重引鄉等因抑觀桐葉之茂曰其桐其掎其實離離愷悌君子莫不令儀令林下諸賢足敷謠詠遂令黃門侍郎崔光讀暮春群臣應詔詩至勰詩孝文仍為之改一字曰昔邾奚舉子天下謂之至公今見勰詩始知中令之舉非

私也。魏對曰：臣露此技，方見聖朝之私。賴蒙神筆，賜刊得有令譽。孝文曰：也。雖雕琢一字，猶是王之本體。魏曰：臣聞詩三百一，言以蔽全。陛下賜刊一字，足以價等連城。後從孝文征馮北，大破梁將崔惠景。孝文不豫，內侍醫藥。孝文有瘳，車駕還京。會百僚於皇極堂，行飲至策勲之禮。舍人宣旨，魏翼弼六師，募我荆楚，馮北之勲，每毗廟筭，從討新野，有封城之謀。受命鄧城，致大捷之效，功為群將之最也。別當受賞，不替厥用。孝文謂魏曰：吾與汝等早罹艱苦，中途契闊，妄詐情義，隨事而踈。比纏患經歲，危同寒葉。非汝孔懷，情敦忠孝，孰能動止。躬親必先，藥膳每尋。此事感思殊遠。魏悲泣對曰：臣等宿遭不天，酷恨長世。賴陛下撫育，得參人伍，豈謂上靈無鑒，復使聖躬違和，萬國所懸。蒼生繫望，寢興之勞，豈申蔡蓼，以破慧景等勲。增邑五百戶。又詔曰：朕疲稚年心勞，長歲積思，成結沉痾，頓發汝穎。第六弟魏孝均，周弟誠，倖姬且遺食，捨寢動止，必親敦醫，勸膳誠力，俱竭永言保康。是賴同氣，又秉務緝政百司，是憑網維，折衷萬揆。獲濟撫師於霖浩之辰，虔戎於荐逼之日。安外靜內，功濟大道。侍省之績，可以孔懷。無褒翼亮之勤，實乃勲高社稷。宜有酬賞，以旌國功。可增邑一千戶。魏辭曰：臣受遇緣親，榮枯事等。以此護瀆深乖，情願乞追成旨。用息謗言。詔曰：汝在私能孝處，公必忠比。耒勤憂足，布朝野。但可祗膺，尋以魏為司徒，太子大傅。侍中如故，宣武即位。右有功任宰輔。魏固讓，宣武雖許之，猶逼以外尚書令。王肅等奏：臣等聞旌功表德，道貴前王。庸勲親親。

義高盛典是故姬旦翼周光宅曲阜東平宰漢寵絕列蕃彭城
王勰景思內昭英風外發協廓乾規掃氛漢沔屬先帝在天鳳
旌旒飾靜一六師肅寧南服登聖皇於天衢開有魏之靈祐論
道中鉉王猷以穆七德丕宣九宮在詠臣等參議宜增邑一千
五百戶詔曰覽奏倍增殞絕未足以上酬勲德且可如奏勰頻
表固讓宣武與勰書曰讀奏辭暨令悲戀哽咽歲月易遠便迫
暮冬每思聞道奉承風教父既辭榮開外無容頓違至德出蕃
累朝荒馳寔深今遣主書劉道斌奉宣悲戀願副來望必當留
衷展洩哀窮祐不云遠勰乃朝於京師景明初齊豫州刺史裴
叔業以壽春內屬詔勰都督南征諸軍事餘言如故與尚書令
王肅迎接壽春詔曰五教治樞古難其選自非親賢兼切莫
斯舉王以明德懋親任屬保傳出居藩陝入御充章內外克諧
民神攸屬今董率戎麾威號宜重可復授司徒以光望實又詔
勰以本官領揚州刺史

廣川剛王諧莊王晷之子大和中薨將大殮孝文素服深夜哭
之入室哀慟撫尸而出詔贈諧武衛將軍及葬孝文親臨送之
東陽王丕孝文嗣位累遷大尉錄尚書事淮南王他淮陽王尉
元河東王苟頹並以舊老見禮每有大事引入禁中乘步挽杜
于朝進退相隨文明太后為王獻造宅故亦為丕造甲第成帝
后幸之率百官文武享燕焉使尚書令王劼宣詔賜丕金印鈕
又特賜金券帝北巡授丕留守賜所乘車馬往來府省帝幸平
城子隆謀逆丕免死為大原百姓丕年垂八十猶自平城力載

隨駕至詔留洛陽帝每遣左右慰免之乃還晉陽孝文沒不自
并來赴宣武引見之以不舊老禮有加焉尋勅留洛陽後宴于
華林都亭特令二子扶持坐起不仕歷六世年垂七十位極公
輔而還為庶人然猶心戀京邑不能自絕人事詔以不為三老
站襲常山宣王忠字仙德孝文世累遷右僕躬賜爵城陽公太
和四年疾篤辭退養病於高柳輿駕親送都門之外群僚友臣
執別者莫不涕泣及卒皆悼之命有司為立碑銘

淮南王他陽平王熙之子太和初拜侍中轉征西大將軍遷司
徒賜安車几杖入朝不趨大和十二年薨孝文有事宗廟始薦
聞他薨為之廢祭輿駕親臨慟詔有司監護喪事

南平王渾陽平王熙之第二子大武器其藝能常引侍左右賜
馬百匹子霄嗣霄好直言正諫孝文特垂欽重詔曰自今奏事
相稱可去姓名唯南平王一人可直言余封太和十七年薨賜
朝服冥衣一襲東國第一秘器絹千匹孝文總哀臨霄喪哀慟
左右醺不舉樂贈衛將軍定州刺史賜帛五百疋

江陽王繼南平王霄第二子子義先納靈太后妹及太后臨朝
數與孝明幸繼宅置酒高會頒賜有加尋遷侍中驃騎大將軍
儀同三司特進領軍如故徙封京兆王繼疾患積年就養於家
每至靈太后與孝明遊幸於外時令扶入宮守禁內及節慶宴
饗皆力疾參焉特轉大保侍中加後部鼓吹孝明詔曰至節加
辰禮有朝慶親尊戚老理宜優異王位高年宿可依齊郡王簡
故事朝訖引坐免其拜伏轉大傳侍中頗讓不許大官給酒饌

供賓客又詔令乘步挽至殿庭兩人扶持禮秩與丞相高陽王相埒後除使持節侍中大師大將軍錄尚書事大都督節度西道諸軍出師之日車駕臨饒傾朝祖送賞賜萬計繼啟求還復江陽詔從之繼長子乂娶靈太后妹孝明初以侍中領軍輔政威振於內外乃封其子亮平原郡開國公食邑一千戶及拜孝明御南門臨觀并贈御馬帛千疋

廣陽王加簡王廷之子宣武時拜衛大將軍尚書令徐乂同三司加好飲酒或沉醉在宣武前言曰自得無所願忌帝以屬尊年老常優容之與彭城北海高陽諸王每入宴集極歡彌夜數加賞賜帝以時幸其第

廣陵王衍陽平王新城之次子為徐州刺史至州病重孝文勅徐成伯乘傳療疾差成伯還帝曰卿定名醫資絹三千疋成伯辭請受一千帝曰詩云人之云亡邦國殄瘁以是而言豈惟三千疋乎其為帝所重如此

南安惠王瑱惟忠謹事母以孝聞孝文賜帛千疋以褒之徵赴講武

瑱子英字虎兒時梁平三關戍宣武詔曰知賊城已下復克三關展威闢境聲略宣振公私稱泰良用欣然將軍淵規內斷忠謀外舉受律陽旌克申廟筭雖方叔之制蠻荆邵虎之掃淮浦匹茲蔑如也新州初附宜廣經畧想善檢督必令周固有所委付然後凱旋耳

安定靖王休大和中為大司馬從駕幸鄴命休率從駕文武迎

家于平城孝文親餞休於漳水之北十七年春與大保齊郡王簡並蠲朔望之禮十八年休寢疾高祖幸其第流涕問疾中使醫藥相望於路薨贈帛三千疋自薨至殯車駕三臨孝文至其門改服楊衰素并加經皇太子百官皆從行吊礼及將葬又贈布帛二千疋詔假黃鉞加羽葆鼓吹虎賁班劍六十三人悉准三老尉元之儀孝文親送出郊慟哭而返諸王思礼莫比焉宣武世配饗廟庭

任城文宣王澄從孝文南征至戀瓠以篤疾還京駕餞之汝墳賦詩而別常山刺史穆泰友以澄行州事遂授節銅虎竹使符御杖左右孝明世為司空侍中西城之厭達波斯諸國各因公使並送澄駿馬一疋請付公僕以充國閑詔曰王庶身之德也有過楚湘可勅付廐以成君子大哉之美後為司徒尚書令薨詔百寮會喪贈假黃鉞使持節都督中外諸軍事大傅領大尉公加以殊禮備九錫依晉大司馬齊王攸故事謚曰文宣澄之莖也凶飾甚盛靈太后親送郊外停輿悲哭哀慟左右百官會赴千餘人莫不歔歔當時以為哀榮之極

澄子嵩為安南將軍揚州刺史累戰有功後為蒼頭李大伯所害宣武為嵩舉哀於東堂贈絹一千匹車騎將軍領軍

嵩弟順為左僕射尔朱榮之亂為鮮于康奴所害家徒四壁無物殮尸止有書數千卷而已門下通事令王才達裂裳覆之莊帝還宮遣黃門侍郎山偉巡喻京邑偉臨順喪悲慟無已既還莊帝怪而問曰黃門何為聲散偉以狀對莊帝勅侍郎元祉曰

宗室亡非一不周周贍左僕射清苦之節死乃益彰特贈絹百
疋餘不得為例贈驃騎大將軍尚書令司徒公定州刺史謚曰
文烈

高陽王雍獻文之子為驃騎大將軍司州牧宣武時幸雍第盡
家人之禮孝明初詔入居大極西栢堂諮決大政給溫信二千
人又詔雍為宗師進大傅侍中大尉公王如故別勅將作營國
子學寺給雍居之靈太后詔雍乘步挽入掖門又以本官錄尚
書事雍頓表辭遜優荅不許詔侍中敦喻孝明覽政詔雍乘車
出入大司馬門進位丞相給後部羽葆鼓吹陪加班劄催令速
拜詔雍依齊郡順王簡大和故事朝訖引坐特優拜伏之禮孝
昌初詔曰比相府弗聞陰陽未變王秉哲居宗勲望隆重道庇

蒼生威被華裔躰國猶家匪躬在節可開府置佐吏又詔曰丞
相高陽王道德淵廣明允篤誠儀刑大階垂風下國寔所以予
違汝弼致治責成宜班新制宣之遐邇其州郡先上司徒公文
悉可改上相府施行符告皆亦如之後遇害於河陰贈假黃鉞
相國

城陽王徽為安西將軍秦州刺史詔書且至夕發徽以將之秦
部請詣闕恭授仍表啟固陳情不之職改授輔國將軍加度支
尚書元顥入洛徽從莊帝北巡及車駕還宮以興謀之功除侍
中大司馬大尉公加羽葆鼓吹增邑通前三萬戶
章武王融與葛榮戰敗見殺孝明舉哀於東堂賜東園秘器朝
服一具綵二千八百段尋以融死事進贈司徒加後部鼓吹

襲常山王素孫暉孝明世為尚書令攝吏部選事神龜元年卒
賜東園祕器贈使持節都督中外諸軍事司空公將葬給羽葆
班劍鼓吹二十人羽林百二十人

趙郡王謚靈王幹之子除都官尚書加安西將軍正光四年薨
給東園祕器朝服一具衣一襲贈帛五十疋

謚弟惠羽林監直閣將軍早卒贈帛五百疋贈寧遠將軍常州
刺史

武川鎮將蘭子志為洛陽令與御史中尉爭路帝謂邢昺曰此
兒竟可所謂王孫公子不饑則雕螯曰露竹露條故多勁節非
鳶則鳳其在本枝也

武昌王鑿宣武時為征虜將軍徐州刺史尅梁角城帝詔鑿曰
知獲角城威謀展稱良以欣然此帶淮滸川路衝要自昔經筭
未能尅之蟻固積紀每成邊害將軍淵規潛運妙畧克宣闢境
尅城功著不日據要扼喉津徑勢阻可謂勲高三捷朕甚加焉
守御諸軍善以量度宣慰之使尋當別遣

上黨王天穆以平邢果之亂莊帝加大宰羽葆鼓吹增邑通前
七萬戶

北齊廣平公盛神武從叔祖也歷位大尉天平三年薨贈假黃
鉞大尉大師錄尚書事

平秦王歸彥神武族弟天保中以討侯景功封長封郡公除領
軍大將軍領軍加大自歸彥始也文宣誅高德正金寶財貨悉
以賜之及為司空時孝昭將入雲龍門都督成休寧列拒而不

內歸彥論之然後得入進向指閣永巷亦如之孝昭踐祚以此
彌見優重每入常在平原王段韶上以為司空兼尚書令齊宮
內唯天子紗帽臣下皆戎帽特賜歸彥紗帽以寵之

平陽王淹神武子皇建初為大傅與彭城王浹河間王孝琬並
給仗身羽林百人

彭城王浹神武子為大師錄尚書事河清三年車駕巡幸浹留
鄴為郡盜所害贈假黃鉞大師大尉錄尚書事給輜輶車裘城
王浹神武子天保二年薨朝明元年贈假黃鉞大師大尉錄尚
書事

高陽王湜神武子廢帝初薨乾明初贈假黃鉞大師司徒錄尚
書事

馮翊王澤神武子為大師大宰薨贈假黃鉞左丞相

琅邪王儼武成第三子也為領軍大將軍領御史中丞魏氏舊
制中丞出清道與皇太子分路行王公皆遙住車去牛頓軛於
地以待中丞過其或遲違則赤捧捧之自都鄴後此浸絕武
成欲寵儼乃使一依舊制儼初從北宮出將上中丞凡京畿步
騎領軍之官屬中丞之威儀司徒之鹵簿莫不畢備帝與后在
華林園東門外張幕隔青紗步障觀之觀者傾京邑儼常在宮
中坐含光殿以視事

後周晉公護太祖兄子為大冢宰明帝立拜大師賜路車冕服
又為雍州牧并賜金石之樂武帝保定三年詔曰大冢宰晉國
公知周萬物道濟天下所以克成我帝業安養我蒼生况親則

懿昆任當元輔而可同班庶品齊位衆臣自今詔誥及百司文書並不得稱公名以彰殊禮護固讓五年詔曰先宅曲阜魯用郊天之樂地處參虛晉有大蒐之禮所以言時計功昭德紀行使持節大師都督中外軍事柱國大將軍大冢罕晉國公體道居身含和誕德地居威右才表棟隆國步艱難寄深夷險皇綱締構事均休感故以迹具殆庶理契如仁今文軌尚隔方隅猶阻典策未脩聲名多闕宜賜軒轅之樂六佾之舞

趙王昭陳王純越王盛滕王道皆文帝子靜帝即位加招等入朝不趨劄履上殿

代王達字度介突性果決善騎射初封代公出為荊州刺史在州有政績高祖手勅褒美之高祖東伐以為將軍總管齊淑妃馮氏尤為齊後主所幸齊平帝以達不遜聲色以馮氏賜之靜帝即位詔與趙王招等入朝不趨劄履上殿

蔡公廣大祖兄邵惠王顥孫也廣母李氏以廣患彌年憂而成疾因此致卒廣乃以毀薨武帝素服親臨百寮畢集故吏儀同李充信等上表褒述申其宿志庶存儉約詔曰昔河間才藻追叙于中尉東海謙約見稱於身後可斟約前典率由舊章使陽箕之言得申遺志黜殞之請無虧令終於是贈本官加大保隴十四州諸軍事秦州刺史謚曰文葬於隴右所司一遵儉約之典

廣陵公孝伯與武帝同日生嘗謂曰公於我猶漢高與盧縮也賜以十三環金帶自是常侍左右出入卧内朝務皆預焉隋觀

德王雄初進封廣平改封清漳王仁壽初高祖曰清漳之名未
允聲望命職方進地圖上指安德郡以示群臣曰此號足以稱
明德相稱於是改封安德王

遂寧子達開黃中為鄴鄭趙三州刺史俱有能名平陳之後四
海大同帝差品天下牧宰達為第一賜雜綵五百段加以金帶
擢拜工部尚書

秦王俊為并州總管三十四州軍事頗有令聞高祖聞而大悅
下書獎勵焉

齊王暕煬帝第二子大業初為豫州牧俄而元德太子薨朝野
注望咸以暕當為嗣帝文勅吏部尚書牛弘妙選官屬公卿由
是多進子弟明年轉雍州牧遷徙河南開府儀同三司元德太

子左右二萬餘人悉肄於暕寵遇益隆自樂平公主及諸戚屬
競來致禮百官稱謁填咽道路

唐淮安王神通高祖從父弟也為河北道行臺尚書左僕射太
宗即位是月甲戌詔曰褒崇賢戚有國彛典原秩清階式隆朝
望左武衛大將軍上柱國淮安王神通宗室之長德器優弘締
構之初早樹勲績右武衛大將軍上柱國燕郡王藝夙著嘉庸
志懷疆毅久司我禁見稱貞確宜加榮寵式允俱瞻並可開府
儀同三司四年薨太宗為之廢朝鴻臚護喪事贈司空謚曰靖
淮王道玄高祖從父兄子也從太宗擊宋金剛先登陷陣時年
十五太宗壯之賞物千段後擊劉黑闥戰沒太宗每追痛之嘗
從容謂侍臣曰道玄始終從朕深入賊所向陣必尅意常企慕

所以每陣先登蓋學陣也惜其幼少力不遂心及於難平後以其弟武郡王道明徙封於淮陽王

河間王孝恭高祖從父兄子也武德二年授信州總管承制拜假蕭銑平高祖大悅拜孝恭荊州大總管使畫工貌而視之及輔公祐璽書褒賞賜甲第一區女樂二部奴婢七百人金玉珍翫甚衆授東南道行臺尚書右僕射太宗甚加親侍諸宗室中莫與為比貞觀十四年暴薨太宗素服舉哀哭之甚慟

江夏王道宗高祖從父兄子為吏部尚書太宗討高麗為前鋒大破賊兵太宗至喜深加賞賜給奴婢四十人道宗在陣損足太宗親為其針賜以御膳

濟北公瑊河間王孝恭弟也為尚書左丞貞觀十年夏五月幸其第敦親親也

襄邑郡王神符貞觀三年為宗正卿後以疾辭位歸第拜光祿大夫每月別給羊酒太宗將幸九成宮就第問疾賜以縑帛又令乘小輿引見紫微殿以其脚疾遣三衛輿之而升

齊王元吉高祖子武德四年太宗討竇廷德於滎陽留元吉與屈突通圍王世克於中都世克出兵拒戰元吉設伏擊破之斬首八百級生擒其大將軍樂仁昉甲士千餘人世克平拜司空加賜袞冕之服前後部鼓吹樂二部班劍二十人黃金二千斤與太宗各聽三爐鑄錢以自給九年詔曰三台望重仰叶辰曜五教任隆俯安邦國實咨懿德式寄親賢侍中并州大都督左衛大將軍上柱國齊王元吉軍量凝邈風神爽邁徽猷夙著嘉

冊府元龜
譽早隆出莅方岳政績蕪懋入侍帷宸猷納允屬推轂聞外備
展勲庸駘司禁旅戎章以緝燮理之任朝典攸宜可居司徒餘
如故鄴王元吉高祖子貞觀二年金州刺史及之藩太宗以其
幼小甚思之中路賜以金盞遣使為之設宴

徐王元禮高祖子貞觀十七年為絳州刺史以善政聞太宗降
璽書勞勉賜以錦綵

鄭王元懿高祖子總章中為絳州刺史元懿頗好學數斷大獄
甚有公平之譽高宗特降璽書褒美賜物三百段

舒王元名高祖子元名惟高潔矜莊門庭清肅嘗誡其子豫章
王亶等曰藩王所之不慮無錢財官職但勉行善事忠孝持身
此吾志也及亶為江州刺史以善政聞高祖年勅褒美元名以

賞其義方之訓

魏王泰太宗第二子也貞觀十四年太宗幸泰延康坊宅因曲
赦雍州及長安大辟罪已下免延康坊百姓無出今年租賦又
賜泰府官僚帛有差泰好事愛文學特令就府別置文學館任
自引召學士又以泰腰腹洪大趨拜稍難復令乘小輿至於朝
所以寵異如此

營州都督晦河間王孝恭子乾封中以善政聞璽書勞問賜物
三百段

紀王慎太宗第十子為襄州刺史以善政稱高宗璽書勉勞采
王憲初名成器睿宗長子睿宗將建儲貳以成器嫡長而玄宗
有平常氏之功成器涕泣固謙儲副玄宗又抗表固謙睿宗不

許乃下制曰左衛將軍宋王成畧朕之元子當踐副君以隆基
祚社稷大功人神僉屬由是朕前懇讓言在必行天下至公誠
不可奪爰夫立季之典庶叶從人之願可雍州牧揚州都督太
子太師別加實封二千戶賜物五千段細馬二十疋奴婢十房
甲第一區良田三十頃其年十一月拜尚書左僕射尋遷司徒
景雲二年兼同州刺史賜物二千段殿中馬二十疋開元二十
八年冬憲寢疾玄宗令中使送醫藥及珍膳相望於路僧崇一
療憲稍瘳帝大悅特賜緋袍魚袋以賞異崇一時申王等階先
薨唯憲獨在上施加恩貸每年至憲生日必幸其宅一時宴樂
居常無日不賜酒酪及異饌等尚食摠監及四方有所進獻食
之稍甘即皆分以賜之憲嘗奏請年終錄付史官每年數百紙

汝陽王璿憲子也天寶九載薨輟朝一日制曰六親之恩理貫
存歿飾終之禮義表哀榮故特進上柱國汝陽郡王璿植性謙
和執心恭懿聞詩禮而稟訓用忠信而飭躬脩詞立誠不虧於
道依仁游藝克著於名况又踐崇班彌彰勸奠其永固藩翰
有光公族奄茲殞歿良多憫念宜加寵贈用旌幽窆可贈太子
太傅應緣喪量事官供仍令京兆尹一人校檢葬事

嗣申王珣憲子也

珣出繼申王

開元二十五年薨玄宗甚悼之輟朝

三日制曰猶子之恩特深於情禮於親之義必倍於哀榮同安
郡王珣稟氣淳和執心忠順邦國垣翰宗枝羽儀盤石疏封將
期永固逝川不捨俄歎促齡悼徃之懷因心所均宜增寵命用
飾幽泉可贈太子少保葬事官給陪葬橋陵

葉王混後名玄宗開元十五年授京兆牧二十三年七月以京

兆兆牧葉王滉廣州都督領南牧儀王濞後名荊州大都督永

王澤後名益州大都督壽王清後名安西大都護延王涸汾一作

涸後揚州大都督盛王沐後名第二十二男濟王溢後名第二

十三男信王馮後名第二十四男義王訛後名第二十五男陳

王漼後名並加開府儀同三司第二十六男豐王澄後名為左

衛大將軍第二十八男常王惠後名為右衛大將軍第二十九

男涼王淀後名為左千牛衛大將軍第三十男汴王洎後名為

右千牛衛大將軍滉等謝恩于朝悉命詣尚書省上自慶王已

下咸送之命有司帳設置饌大常供樂教曰葉王滉等既已封

建近又拜官在於府寮合依典故有司准式十二月慶王潭忠

王浚棣王洽鄂王洵葉王滉儀王濞穎王湮求王澤壽王清延

王涸盛王沐濟王溢義王訛陳王漼豐王澄常王惠梁王湜汴

王洎加上柱國。

故邠王男承宣承瀆承奭承寧承瀉承寔等天寶七載六月皆

授朝請郎東宮六品官員外置同正員仍賜緋魚袋詔曰故邠

王男承宣等地惟戚屬畧表溫良伯仲輝光溫溫有裕推典之

典既叶於分官賜服之榮宜崇於寵命八月勅諸王長子及先

帶郡王各任職事官階卑諸並聽著紫珮金魚袋

濟南郡王雋棣王之子也天寶十四年十月與濟王男光祿鄉

平樂郡王慨信王男太常鄉新安郡王修陳王男大常鄉臨淮

郡王佗義王男太僕鄉無陽郡王儀盛王男太常鄉真定郡王

郡王佗義王男太僕鄉無陽郡王儀盛王男太常鄉真定郡王

續求王男大常卿餘姚郡王儋陳王男殿中監安南郡王倫穎
王男鴻臚卿高邑郡王儁延王男殿中監平陽府王健信王男
光祿卿晉陵王倜豐王男宗正卿齊安郡王佻涼王男太僕卿
宜春郡王伯盛王男殿中監信都王佩壽王男鴻臚卿廣陽郡
王健儀王男宗正卿高密郡王儻涼王男殿中監安定郡王仕
延王男大僕卿佐求王男國子祭酒儀徐王男秘書監任靖德
太子太常卿韓國公倣靖德太子卿太僕卿倫棣王男光祿卿
佞棣王男太僕卿僚棣王男國子祭酒俠棣王男殿中監仁棣
王男秘書監儗求王男衛尉卿莒國公儗

求王男秘書監邠國公儗求王男國子祭酒伶壽王男光祿卿
薛國公侂壽王男殿中監滕國公侑壽王男國子祭酒傑延王

男宗正卿魯國公保延王男國子祭酒荆國公偃濟王男衛尉
卿佈國公俱濟王男國子祭酒俸信王男秘書監吳國公保信
王男國子祭酒越國公倣義王男國子祭酒曹國公佳義王男
秘書監魏國公倣陳王男秘書監代國公防陳王男太僕卿代
國公浮義王男光祿卿虢國公供穎王男國子祭酒楚國公倪
穎王男光祿卿夔國公供穎王男光祿卿徐國公恪盛王男國
子祭酒許國公係豐王男國子祭酒江國公佺梁王男衛尉卿
蒲國公侶涼王男國子祭酒秘書監鄭國公佺榮王男衛尉卿
原榮王男秘書監儋榮王男鴻臚卿佩等五十五人並授上柱

國

韓王迥代宗第七子以母寵既生而受封雖冲幼恩在鄭王之

亞

嗣吳王祗為檢討工部尚書兼太子賓客大歷五年詔祗集賢院待制時四郊無虞勲勞大臣在闕下者雖爵秩崇高多無職事永泰初乃詔左僕射裴冕等一十三人同於集賢院待制特給食錢及繕脩廨宇以厚其禮自後遷者非一無代之者以祗宗室勲舊加寵之也

崇政卿嗣吳王獻貞元十三年奏簡王府諮議叅軍嗣寧王子淑葬請鹵簿宰臣等議以子叔官卑不合給因下詔自今以後嗣薨日宜令所司供鹵簿永為常式

梁廣王金昱大祖兄乾化元年還睢陽命內臣拜餞都外親王出宿至於偃師仍詔其子衡王友諒侍從以歸

後唐開府儀同三司檢校太尉克比都留守興聖宮使判六軍諸衛事兼御史大夫上柱國隴西縣開國伯食邑七百戶繼岌同光元年授檢校太尉同中書門下平章事仍進封開國侯加食邑三百戶克東涼留守餘如故繼岌皇太子也魏州興建特宰相豆盧革奏曰皇子之職故事合帶官使革因進擬以興聖為名秦王從榮明宗長子也天成二年自鄴中至泊於至德宮帝幸其第宣禁中女伎及教坊樂觀宴至晚後為天下兵馬元帥四年九月勅從榮位隆將相望重盤維委任既崇等威合異位宜在宰臣之上

亳州團練使重吉末帝子早薨清泰元年詔贈太尉仍令宋州選隙地置廟

洋王從璋明宗猶子泰清元年詔從璋及徑王從敏月各給俸錢一十萬米麥各五十石僕三十人衣糧馬五十疋芻粟二王自方鎮入朝自是留洛陽私第隴西郡公重美末帝子清泰元年授成德軍節度等使命樞密使韓昭常送重美領鎮州旌節官牒於府署重美迎授其禮甚盛

晉皇子重信高祖第二子也高祖即位出鎮孟津到任踰月去民病十餘事朝廷有詔褒之是歲范延光叛命於鄴詔遣前雲武節度張從賓發河橋屯兵東討延光從賓與延光合謀為亂逐害重信於理所時年二十遠近聞者為之嘆惜制贈太尉執事奏曰西漢子弟生死無歷三公位者帝曰此兒為善被禍予甚愍之自我作古寧有例乎遂行冊命

大師萬友高祖仲父大尉萬銓高祖季父太傳敬儒高祖兄並天福六年正月追贈

周太祖將軍守筠奉超定哥皆太祖姪乾祐末遇害廣順元年二月太祖姪乾筠贈左領軍將軍改名愿奉超贈左監門將軍定哥贈左千牛將軍贈名慈顯德四年四月制曰故皇從弟贈左領軍衛將軍守願贈左監門衛將軍奉超贈左千牛衛將軍慈等天演潢派棣萼騰芳成敦孝悌之情並著謙和之譽頃因季代不亨遐齡每念作辜難忘有慟宜加贈典復賁泉局守愿可贈左衛大將軍奉超可贈右衛大將軍慈可贈衛大將軍

新刊監本同府元龜卷之二百二十七

新刊監本同府元龜卷之二百七十八

宗室部

領鎮第一

自成周之世並建宗室漢有天下分王子弟皆受分器列為戚藩曹魏革命無改前制西晉之後崇樹征鎮重方面之寄總帥兵之重繇是遠監前古內選於親出膺督護之選以尸牧伯之任長人為政奉宣教條訓戎經武武遏寇害斯可以藉明茂之望聳懷柔之美夾輔京室克固於維城大庇本根以期於長世者已

晉太原成王輔宣王第安平王第三子也咸寧三年監并州諸軍事

下邳獻王晃字第五子也秦始皇年詔曰南中郎將下邳王晃清亮中正體行明潔才周政理有文武策識其以晃為使持節都督寧益淮三州諸軍事西將軍領益州刺史晃以疾不行更拜尚書遷右僕射久之出為鎮東將軍都督青徐二州諸軍事高楊元年王珪字第七子也秦始皇初為北中郎將督鄴城守諸軍事竟陵王棼義楊王望子也齊王問輔政以棼為平東將軍都督徐州諸軍事鎮下邳

彭城穆王權宣帝弟東武城侯旭之子秦始皇初出為北中郎將都督鄴城守諸軍事
權子元王植自侍中尚書出為安東將軍都督揚州諸軍事代淮南王允鎮壽春未發或云植助允攻趙王倫遂以憂薨權弟

高密文獻王泰秦始皇初拜游擊將軍出為兗州刺史加鷹揚州刺史稱疾不行轉安北將軍代權督鄴城守事遷安西將軍都督關中事後為鎮西將軍領護西戎校尉假節代扶風王駿都督關中軍事以疾還京師泰子孝王略自秘書監出為安南將軍持節都督河南諸軍事遷安北將軍都督青州諸軍事懷帝即位遷使持節都督荊州諸軍事征南大將軍關府儀同三司略

弟南楊王模初封平昌公為北中郎將鎮郢水興初成都王穎故帳下都公師藩樓擁郝昌等攻鄴模左右模應之廣平太守丁邵率眾救模范楊王虓又遣兗州刺史荀晞援之藩等走散遷鎮東大將軍鎮許昌進爵南楊王永加初轉征西大將軍關中府都督泰雍梁益諸軍事代何問王顥鎮關中

新蔡武哀王騰高密王恭第二子出繼叔父弟自大常轉持節
寧北將軍都督并州諸軍事并州刺史永初遷車騎將軍都
督鄴城守諸軍事鎮鄴

范楊王虎康王綏之子累遷尚書出為將軍安南都督豫州諸
軍事持節鎮許昌進位征南將

譙閔王承剛王遜之子元帝欲樹藩屏會王孰表以宣城內史
沈克為湘州帝謂承曰湘史南楚險固在上流之要控三州之
會是用武之國也今以叔父居之何如承曰臣幸托末屬身常
宿衛未有駟馳之勞頻受過後之遇夙夜自厲息報天德君之
所命惟力是視敢有辭焉然湘州蜀寇之餘人物雕盡若上憑
天威得之所蒞北及三年請從戎役若未及此雖復反身亦無

益也於是詔曰夫王者躰天理物非群才不足濟其務外建賢
哲以樹風聲內睦親以廣藩屏是以太公封齊伯禽居魯此先
王之令典右今之通義也我晉開基列國相望乃授琅邪武王
填統東夏汝南文成摠一淮許扶風梁王迭據關右爰暨京嬴
作司并州今公挾雖寡不逮曩時豈得僭舊章乎散騎常侍左
將軍譙王承貞素穎亮志存忠略便蕃左右恭肅彌著今以承
監湘州諸軍事南中郎將湘州刺史初劉隗以王敦威權大盛
終不可制勸帝出諸心腹以鎮方隅故先以承為湘州承孫敬
王恬為侍中左衛將軍恬既宗室有勲望孝武帝時深仗之以
為都督兗青冀幽并揚之晉陵徐州之南北郡軍事領鎮北將
軍兗青二州刺史假節

恬子休之少仕清塗以平王恭度措功拜龍驤將軍襄城太守

鎮歷陽桓玄攻歷楊休之嬰固守及兄尚之為桓玄所敗休之以五百人

出城力戰不捷乃還城攜子姪奔于慕容超聞我軍起復還京

師大將軍武陵王令曰前龍驤將軍休之翰貢審功業既成歷

楊之戰事在機捷及至勢垂力屈奉身出拚猶鳩集義徒崎嶇

險阻既應親賢之舉宜為分陝之重可監刊益梁寧秦雍六州

軍事領護南蠻校尉荊州刺史假節

汝南文成王亮宣帝子祐封扶風郡王持節都督關中雍梁諸

軍事吳將步闡來降假亮節都督諸軍事以納之後為大司馬

假黃鉞大都督豫州諸軍事出鎮許日

瑯邪武王伯官帝子魏末為撫軍將軍南皮伯出為鎮東大將

軍假節徐州諸軍事代衛瓘鎮下邳伯鎮撫有方得將士死力

吳人憚之加開府儀同三司改封琅邪王以東莞益其國頃之

并督青州諸軍事

扶風武王駿宣帝子初封汝陰王都督豫州諸軍事吳將丁奉

寇首波駿督諸軍事距退之遷使持節都督揚州諸軍事代石

苞鎮壽春尋復都督豫州還鎮許昌遷鎮西大將軍使持節都

督雍梁等州諸軍事代汝南王亮鎮關中

駿子新野莊王歆初封新野縣公齊王罔入洛歆躬貫甲冑率

所領導罔以勲進封新野郡王邑二萬戶遷使持節都督荊州

諸軍事鎮南大將軍開府儀同三司

梁孝王彤宣帝子泰始中為北中郎將督鄴城守事太康中伐

孔洵監豫州軍事加平東將軍鎮許昌項之又以本官代下邳
王晃監青徐二州軍事進號安東將軍元康初轉征西將軍代
秦王東都督關中軍事領護西戎校尉加侍中進督梁州復為
征西大將軍代趙王倫鎮關中都督涼雍諸軍事又領西戎校
尉屯好畤

趙王倫宣帝子咸寧中為平北將軍督鄴城守事元康初迂征
西將軍開府儀同三司

齊皝王攸文帝子大康三年詔曰古者九命作伯或入毗廟政
或出御方嶽周之呂望五侯九伯實得征之侍中司空齊王攸
明德清暢忠允篤誠以母弟之親受台輔之任佐命立勲啟勞
王室宜登顯位以程具瞻其以為大司馬都督青州諸軍事侍

中始故假節將本官千人親騎帳下司馬大將軍皆如舊增鼓
吹一部官騎滿二十人置騎司馬五人餘主者詳案舊制施行
攸子武閔王罔為翔軍校尉趙王倫密與相結廢賈后以功轉
游擊將軍罔以位不滿意有恨色孫秀微覺之且憚其在內出
為平東將軍假節鎮許昌

罔第寔永寧初為東平將軍假節加散騎常侍代齊王罔鎮許
昌尋進安南將軍都督豫州軍事

燕王機文帝子咸寧初徵為步兵校尉以漁陽郡益其國加侍
中之服拜青州都督鎮東將軍假節以北平上谷廣甯郡增燕
國樂平王鑿文帝子元康中以大將軍使持節都督豫州軍事
安南將軍代河清王遐許鎮昌

楚隱王壽武帝子大康末之國都督荊州諸軍事平南將軍轉鎮南將軍

淮南忠壯^王乞武帝子大康拾年之國都督揚江二州諸軍事鎮東大將軍假節

清河康王遐武帝子自散騎常侍平南將軍都督江州諸軍事成都王頊武帝子為散騎常侍車騎將軍賈謚常與皇太子博爭道頊在坐厲聲呵謚曰皇太子國之諸君賈謚何得無乱謚俱由此出頊為平北將軍鎮鄴

河間王顥大原烈王環之子元康初為北中郎監鄴城玖年代梁王彤為平西將軍鎮關中石虎之制非親親不得都督關中顥於諸王為踈持以賢舉

東海孝猷王越高密王泰子初以世子為騎都尉大安初惠帝北征鄴以越為大都督六軍敗越奔下邳徐州都督東平楙不納越徑還東海懷帝即位委政於越帝始親萬機留心庶事越不悅求出藩帝不許越遂出鎮許昌尋遷越為丞相領兗州牧都督兗豫同冀幽并陸州越辭丞相不受自許遷於鄆城琅邪孝王褒元帝子自後將軍拜散騎帝侍使持節都督青徐兗三州諸軍事車騎將軍

會稽文孝王道子簡文帝子為開府儀同三司徒及謝世夢詔

日新裝華戎未一自非朝賢懋德莫能緩御內外司徒琅邪王道

子体道自懋神識穎遠寔是旦奭之重冥摠二南之任可領揚州刺史錄尚書假節都督中外諸軍事衛府文武一以配驃騎府

護不受數年領徐州刺史道子世子元顥為司徒錄尚書事永
領徐州刺史加侍中後將軍開府儀同三司都督十六州諸軍
事

宋長沙景王道憐高祖中弟也晉末高祖鎮京口以道憐為龍
驤將軍領堂也太守戍石頭會鮮卑侵迫自彭城以南民皆堡
聚山陽淮陰諸戍並不復立道憐請據彭城以漸脩創朝議以
城彭懸遠使鎮山陽進號征虜將軍督淮北軍事北東海太守
并州刺史加北徐州刺史移鎮彭城又徵為都督兗青二州晉
陵京口淮南諸軍事郡事兗青二州刺史還鎮京口及江陵平
以為都督荆湘益秦寧梁雍七州諸軍事驃騎將軍開府儀同
三司鎮讓南蠻校尉刺史北府文武皆配之高祖平定三秦方

思外略徵道憐還為侍中都督徐兗青三州揚之晉陵諸軍事
守諸軍尚書令徐兗二州刺史持節將軍如故元吳元年解尚
書令進位司空出鎮京口

長沙成王義欣道憐長子也初為征虜將軍青州刺史魏郡太
守成石頭文帝元嘉叁年為南州刺史柒年遷使持節監豫司
雍并四州諸軍事豫州刺史給鼓吹一部鎮壽十年楊進號鎮
軍將軍進為都督

義欣子祗明帝初為南兗州刺史

祗弟縕自太守庶子中侍中加荆湘南兗州刺史吳興太守侍
中領左軍又改領驍騎將軍撫軍雍州刺史

新淦侯宗義欣弟也元嘉中為征虜將軍南兗州刺史

當陽侯秉義宗子也泰始中為左衛將軍丹陽尹五年出為前將軍淮南宣城太守不拜還復本任遷使持節都督南徐兗豫青冀六州都督事後將軍南徐州刺史廢帝即位改都督郢州豫州之西揚司州之義陽二郡諸軍事郢州刺史未拜番為尚書左鄴射祭選二年加散騎常侍丹楊尹

興安侯義賓義宗弟也元嘉中位至輔國將軍徐州刺史

營道侯義綦義賓弟也元嘉中歷右衛將軍湘州刺史

臨澧侯襲為安成太守晉安王子勛為逆襲揚郡拒之子勛遣軍政圍不下明帝嘉之以為郢州刺史

臨川武烈王道規高祖少弟晉末為振武將軍義昌太守累戰功進號輔國將軍督淮北諸軍事并州刺史時荊州湘州豫猶

多桓氏餘燼往往屯結復以本官進督江武昌荊州之江夏隨郡義楊緩安豫州之西汝南潁川新蔡九郡諸軍事隨宜翦撲皆悉平之遷使持節都督荆寧秦梁雍等州司州之河南諸軍事領護南蠻校尉荊州刺史進號征西大將軍開府儀同三司加散騎常侍固亂俄而寢疾改持都督豫章江州揚州之宣城淮南廬江歷陽安豐堂邑六郡諸軍事豫州刺史持節常侍如故以疾不拜

臨川康王義慶晉末從高祖征長安還拜輔國將軍北青州刺史未之任徒督豫州諸軍事豫州刺史復督淮北諸軍事遷舟揚尹在京玟年出為使持節都督荆雍益寧梁南北秦七州諸軍事平為西將軍荊州刺史荊州居上流之重地廣兵強實

兵甲居朝廷之半故高祖使諸子居之義慶以宗室令美故特
有此授拾陸年故授散騎常侍都督江州之西陽晉熙新蔡三
郡諸軍事衛將軍江州刺史持節如故拾陸年即本號都督南
兗州徐兗青冀幽六州諸軍事南兗州刺史

營蒲候遵孝高祖族弟也晉末自建威將軍彭城內史隨高祖
北伐時高祖諸子並弱宗室唯有遵考長安平定以督并州司
州之北河東北平陽北雍州之新平安定五郡諸軍事輔國將
軍并州刺史領河東太守鎮蒲坂關中失守南還元嘉盛年出
為使持節都督雍梁南北秦四州荊州之竟陵順陽襄陽新野
隨六郡諸軍事征虜將軍寧蠻校尉雍州刺史襄陽新野二郡
太守掬年督南徐兗二州之江北淮南諸軍事征虜將軍南兗
州刺史領西陵太守拾陸年監徐兗二州豫州之梁郡諸軍事
前將軍徐兗州刺史未之鎮留為侍中領左衛將軍明年出為
使持節監豫司雍州并四州南豫州之梁郡弋陽馬頭荊州之
義陽四郡諸軍事豫州刺史領南梁郡太守遷吳興太守秩中
二千石二十七年魏軍南至瓜步率軍出江上假節蓋三十年
出為使持節監豫州刺史元凶立遣外監徐安期仰捷祖守之
遵考斬安期等起義兵應南譙王義宣等加遵考鎮西將軍孝

建元年除吳興太守明年徵為湘州刺史三年轉丹陽尹六年
領徐州刺史景和元年出督南豫州諸軍事安西將軍南豫州
刺史遵考從第思考為豫州會稽太守益徐州刺史凡經十郡
三州

廬陵王^王孝猷^義真武帝第二子晉末從高祖北征及關中平定

高祖議欲東還而諸將行役既久咸有歸願止留偏將不足鎮

固人心乃以義真行都督雍梁秦三州之河東平陽河北三郡

諸軍事安西將軍領護西戎校尉雍州刺史大尉諮議參軍京

兆王脩為長史委關中之任高祖將還三秦父老詣門流涕訴

曰殘民不沾王化於今百年矣始覩衣冠方仰聖澤長安十陵

是公家墳墓咸陽宮殿數千間是公家屋宅捨此於何之高祖

為之愍然慰辭曰受命朝廷不得擅留感諸軍戀本之意今留

第二兒令文武賢才共鎮此疆臨還自執義真手以授王修令

修執其子孝孫手以授高祖義真尋正加節又進督并東秦二州司州之東安定新平二郡諸軍事領東秦州刺史次復都督司雍秦并梁五州諸軍事建武將軍司州刺史持節如故時義真將鎮洛陽而河南蕭條未及脩理改徐揚州刺史鎮石頭永初元年移鎮東城高祖不豫以為使持節侍中都督南豫豫雍司秦并六州諸軍事車騎將軍開府儀同三司南豫州刺史出鎮歷楊

襲廬陵王紹文帝第五子元嘉二十年出為南中郎將江州刺史時年二十二入朝加祭戰進都督江州豫州之西陽晉熙新蔡三郡諸軍事在任朶年改授左將軍南徐州刺史給鼓吹一部未之鎮乃遷揚州刺史

鼓城王義康弋帝第四子晉末年十二宋臺除都督豫司雍拜四州諸軍事冠軍將軍豫州刺史時高祖自壽陽被徵入輔留義康代謀壽陽又領司州刺史進督徐州之鍾離荊州之義陽諸軍事永初二年從監南豫司雍并五州之晉陵諸軍事南徐州刺史太祖即位元嘉三年改授都督荆湘雍梁益寧南北秦八州諸軍事荊州刺史班劍三十人六年司徒王弘表義康宜還入輔徵侍中都督楊南徐兗三州諸軍事司徒錄尚書事領平北將軍南徐州刺史持節如故九年又領揚州刺史江夏文獻王義恭武帝第五子景平二年監南豫豫司雍秦并六州諸軍事將軍南豫州刺史伐廬陵王義真歷陽時平年十二元嘉元年加使持節進號撫軍將軍給鼓吹一部三年監

徐南兖二州揚州之晉陵諸軍事徐州刺史進監為都督未之任

太祖征謝晦義恭還鎮京口六年改都督荆湘雍益梁寧南

北秦八州諸軍事荊州刺史玟年徵為都督南兖徐兖青冀幽

六州豫州之梁郡諸軍事征北將軍開府儀同三司南兖州刺史

彭城王義康有罪出藩徵義恭為侍中都督揚南徐兖三州諸

軍事班劔二十人置使加兵二十七年春復魏寇家豫州太祖

因此欲開定河洛其然以義總統群師出鎮彭後以本官領南

兖州刺史增都南兖豫徐兖青冀司雍秦幽并十一州諸軍事

并前十三州移鎮盱眙修治館宇擬制東城二十九州遭太妃

憂改授大將軍都督揚南徐二州諸軍事南徐州刺史還鎮東

府世祖即作授使持節侍中都督揚南徐三州諸軍事太尉錄

尚書六條事楊徐南三州刺史孝建元年拾壹月還鎮京口二

年春進督東南兖二州其冬徵為揚州刺史

南封縣王郎字元明義恭長子為湘州刺史持節侍中領射聲

校尉

襲江夏王子緩為都督郢州諸軍事冠軍將軍郢州刺史進號

後軍將軍加持節

襲江夏王躋後廢帝即位督稽東陽新安臨海永嘉五郡軍

事東中郎將會稽太守進號左將軍

襲江夏王伯禽官至輔國將軍湘州刺史

南郡王義宣武帝第六子元嘉元年十二拜左將軍鎮石頭七

年遷使持節都督徐州青冀幽五州諸軍事徐州刺史猶戍石

頭捌年又改都督南兗兗州刺史當山陽未行明年遷中書
監進號中憲將軍又領石頭戍事拾叁年出為使持節都督江
州豫州之西陵晉熙新蔡三郡諸軍事鎮南將軍江州刺史初
高以荊州上流刑勝地廣兵強遺詔諸子次第居之謝晦平後
以此授彭城王義康庶入湘次江夏王義恭又以臨川王義慶
宗室望且臨川武烈王有大功於社稷義慶又居之其後應在義
宣帝以義宣人才素短不堪居上流十六年以衡陽王義秀代
義慶而以義宣代義秀為南徐州刺史都督南徐州軍事征北
將軍加散騎常侍而會稽公主每以為言帝遲迴久之二十一
年乃以義宣都荆雍梁寧南北寧秦七州諸軍事車騎將軍荆
州刺史進位司空改侍中領南蠻校尉三十年遷司徒中軍將
將軍楊州刺史世祖即位以義宣為中書監都督楊豫二州丞
相錄尚書六條事楊州刺史加羽葆鼓吹給班劍四十人持節
侍中如故封次子宜陽侯愷為南譙王義宣固辭內任及愷王
爵於是改授都督荆湘雍益梁寧南北秦八州諸軍事荆湘
二州刺史持節侍中丞相如故

衡陽文王義季武帝第七子元嘉八年領石頭戍事九年遷使
持節都督南徐州諸軍事右將軍南徐州刺史十六年代臨川
王義慶都督荆湘雍益梁寧南北秦八州諸軍事安南將軍荆
州刺史二十一年為都督南兗州青冀幽六州諸軍事征北大
將軍開府儀同三司南兗州刺史二十二年進督豫州之梁郡
遷徐州刺史

始興王濬文帝第二子初鎮京口後求鎮江陵尚書令何尚文等成謂濬太子次第不應遠出文帝以上流之重宜有至親故以濬為衛將軍開府儀同三司荊州刺史加都督領護南蠻校尉

南平穆王鐸文帝第四子元嘉十年都督湘州諸軍事冠軍將軍湘州刺史不之鎮戍石頭事二十二年遷使持節督南豫州司雍秦并六州諸軍事南豫州刺史時太祖方事外畧乃罷南豫州併壽陽即鐸為豫州刺史

竟陵王誕文帝第六子元嘉二十一年監南兖州諸軍事北中郎將南兖州刺史出鎮廣陵尋以本號徙南徐州刺史二十六年出為都督秦梁南北秦四州之竟荊州陵隨二郡諸軍事

後軍將軍雍州刺史遷都督廣交二州諸軍事安南將軍廣州刺史當鎮如興永行改授都督會稽東楊新安臨海永嘉五郡諸軍事安東將軍會稽太守給鼓吹一部孝武即位位為持節都督荊州雍梁寧南北秦八州諸軍事衛將軍開府儀同三司荊州刺史南譙王義宣不皆就徵以誕為侍中驃騎大將軍揚州刺史建平二年出為使持節都督南兖徐二諸軍事大子大傳南徐州刺史大明元年又出為使持節都督南兖徐兖青冀幽六州諸軍事南兖州刺史

建寧宣簡王宏文帝第十子元嘉二十四年為中護軍領石頭戍事出為征虜將軍江州刺史

宏子景素初為寧朔將軍監南豫豫州諸軍事輔國將軍南豫

州刺史不拜太宗初加冠軍將軍南兗州刺史丹陽尹吳興大
守使持節監湘州諸軍事湘州刺史泰始六年都督荆湘雍益
梁寧南北秦八州諸軍事為散騎常侍後軍將軍太常未拜授
使持節都督南徐兗青冀六州諸軍事鎮軍南徐州刺史廬江
王曄文帝第八子元嘉二十六年以為侍中後軍將軍領石
頭戍事出會稽太守二十九年遷使持節都督廣交二州荆
州之始吳興安二州諸軍事平越中郎將軍廣州刺史孝武踐
祚復為會稽太守加撫軍明年徵為秘書監加散騎常侍尋
出為撫軍將軍江州刺史進號平南將軍置吏大明二年徵
為散騎常侍中書令領駟騎將軍給鼓一部又為出為南豫
州刺史

晉熙王昶文帝第九子世祖殘詐自大常出為東中郎將會稽
太守監會稽東楊臨海永新新安五郡諸軍事孝建元年立東
楊州拜昶為刺史大明中為都督江州郢州之西楊豫州之新
蔡晉熙二郡諸軍事前將軍江州刺史廢帝即位出為使持節
都督徐兗南兗青冀幽六州豫州之梁郡諸軍事征北將軍徐
州刺史
武昌王渾文昌第十子孝武即位授征虜將軍南彭城東海二
郡太守鎮京口孝建元年遷使持節都督監雍梁南北秦四州荆
州之竟陵隨二郡諸軍事寧蠻校尉雍州刺史

新刊監本冊府元龜卷之二百柒拾捌

新刊監本冊府元龜卷之二百七十九

宗室部

領鎮第二

宋始安王休仁文帝第十二子孝建三年都督南兗徐二州諸
軍事冠軍將南兗州刺史大明元年入為侍中四年出為湘州
刺史加號平南將軍八年遷使持節督江州刺史南豫州之晉
熙新蔡郢州之西陽三郡諸軍事安南將軍江州刺史未拜前
廢帝景和元年遷使持節都督雍梁南北秦四州諸軍事安將
軍寧蠻校尉雍州刺史未之任留為散騎常侍護軍將軍太宗
立以為使持節侍中都督楊南徐二州諸軍事司徒尚書令揚
州刺史薛安都據彭城招引後魏復都督北討諸軍事時豫州

刺史殷琰據壽春永平晉王休祐先督征討諸軍事休裕出領江陵休仁又代督西討討軍事泰始五年進都督豫司二州休仁子伯融歷南豫州刺史琅刑臨淮二郡太守寧朔將軍廣州刺史不之職

晉平刺王休祐文帝第十三子大明元年領長水校尉遷東陽州刺史未拜徒湘州刺史加號征虜將軍四年為使持節都督豫司三州南豫州之梁郡諸軍事右將軍豫州刺史明帝定亂以為使持節都督荆湘雍益梁寧南北秦八州諸軍事驃騎大將軍荆州刺史改都督江郢雍湘五州刺史又改都督江南豫司州南豫州刺史又改都督豫江司三州豫州刺史時豫州刺史殷琰據壽春反休裕出鎮歷陽督劉劭等討琰琰未平劭等築長城守之休裕復徙都督荆湘雍益梁寧南北秦八州諸軍事荆州刺史泰始六年徵為都督南除南兗徐兗青冀六州諸軍事南徐州刺史加侍中帝以休祐貪虐不可莅民晉之京邑遣上佐行府州事

休祐子宣翊為寧朔將軍湘州刺史未拜免

海陵王休茂文帝第十四子大明二年以為使持節都督雍梁南北秦四州郢州之竟陵隨二郡諸軍事北中郎將寧蠻校尉雍州刺史

桂楊王休範文帝第十八子大明三年出為江州刺文明帝定亂以為使持節都督南徐州未拜以驃騎大將軍遂為江州進督越州諸軍事

巴陵哀王休若文帝第十九子大明四年出為都督徐州諸軍事增督豫州之梁郡明年徵為散騎常侍左右郎將吳徐州諸復徵為散騎常侍明年泰始元年出為使持節都督會稽東揚永嘉臨海新安五郡諸軍事領安東將軍會稽太守率眾東討進督吳興晉陵三郡進號衛將軍給鼓吹一部入進督晉安二郡諸軍事二年遷督雍梁南北秦四州荊州之竟隨陵二郡諸軍事寧蠻校尉雍州刺史四年遷使持節都督湘州諸軍事進號征南將軍湘州刺史仍為都督雍益梁寧南北秦八州諸軍事征西將軍荊州刺史朶羊被徵代休祐為都督南徐南兗徐青冀六州諸軍事征西大將軍南徐州刺史

豫章王子尚考武帝第二子孝建三年都督南徐南兗二州諸軍事北中郎將南兗州刺史其年遷揚州刺史大明二年加撫軍將軍三年浙江西立王畿以江東為揚州子尚都督揚州江州之鄱楊晉安三郡諸軍事揚州刺史五年改封豫章領會稽太守七年加使持節前廢帝即位罷王畿復徵子尚都督楊徐二州諸軍事領尚書令解督東揚州

晉安王子勛考武帝三子大明四年都督南兗州徐州之東海諸軍事征虜將軍南兗州刺史七年改督江州南豫州之晉熙新蔡郢州之西楊三郡諸軍事前將軍江州刺史八年遷使持節都督雍梁南北秦四州郢州之竟隨陵二郡諸軍事諸鎮軍將軍寧之校尉雍州刺史未拜以鎮軍將軍還為江州景和元年加使持節

松滋侯子房孝武帝第六子永光年自宣城太守遷東揚州刺史景和元年罷東揚州子房以本號督會稽東揚州安臨海永嘉五郡諸軍事會稽太守明帝即位改督為都督進號安東將軍

臨海王子頊孝武第九子大明五年自吳興太守遷使持節都督廣交二州湘州之始興安臨安賀三郡諸軍事征虜將軍平越中郎將廣州刺史未之鎮徙荊州刺史廢帝即位以本號都督荊湘雍益梁寧南北秦八州諸軍事刺史如故明帝即位解督雍州以為鎮軍丹楊尹掾留本任進督雍州

始平孝敬王子鸞孝武第八子大明五年自吳郡太守遷北中郎將南徐州刺史領南琅邪太守六年加都督南徐州諸軍事八年加中書令領司徒前廢帝即位解中書令領司徒加持節之鎮

永嘉王子仁孝武第九子大明五年年五歲監雍南北秦梁四州之竟陵隨二郡諸軍事北中郎將寧蠻校尉雍州刺史遷東中郎將吳郡太守六年又遷丹楊尹前廢帝即位加征虜將軍領衛尉尋出為左將軍南兗州刺史景和元年遷南徐州刺史泰始中四方平定以為使持節都督湘廣交三州諸軍事平南將軍湘州刺史

始安王子真孝武第十一子大明七年自吳興太守遷使持節監廣交二州始興安臨賀三郡諸軍事平越中郎將廣州刺史不之鎮遷征虜將軍南彭城太守領石頭戍事景元年為丹楊

尹尋為南兗州刺史

邵陵王子元孝武第十三子景和元年出為湘州刺史

晉熙王燮明帝第六子元徽元年四歲以為使持節監郢州豫州之西楊司州義楊二郡諸軍事征虜將軍郢州刺史以黃門郎王英為長史總府州之任明年大尉江州刺史桂楊王休範舉兵逼朝廷燮遣中兵參軍馮景祖襲擊楊休範番中兵參軍毛惠連州別駕程罕之居守開門詣景祖降進燮號西安將軍加督江州諸軍事四年又進燮鎮西將軍加鼓吹一部順帝即位徵為使持節督揚南徐二州諸軍事撫軍將軍揚州刺史先是齊世子蕭熙為燮安西長史行府州事時以被徵為左衛將軍與燮俱下會荆州刺史沈攸之舉兵反世子因奉燮鎮尋楊

之益城據中流為內外刑援攸之平燮還京邑齊王蕭道成為

徐州燮解督南徐進督南豫江州諸軍事號中軍將軍開府儀

同三司

邵陵王瑒友明帝第七子元徽二年年五歲出為使持節督江

州豫州之西楊新蔡晉熙三郡諸軍事南中郎將江州刺史順

帝即位進號左將軍改督為都督昇明二年徙都督南豫司三

州諸軍事安南將軍南豫州刺史歷楊太守

武陵王贊明帝第九子元徽四年出為使持節南徐兗青冀五

州諸軍事北中郎將南徐州刺史順帝昇明元年遷持節督郢

州司州之義楊諸軍事前將軍郢州刺史二年為沈攸之所圍

徙都督荆湘雍益梁寧南北秦八州諸軍事安西將軍荊州刺

史攸之平乃之鎮

隨楊王翽明帝第十子昇明元年為使持節都督郢州司州之
義楊諸軍事西中將郢州刺史未拜徒湘州諸軍事南中郎湘
州刺史

南齊豫章文献王焜太祖第二子為宋相焜出鎮東府加冠軍
將軍出為使持節都督江州豫州之湘蔡晉熙二郡軍事鎮

西北左將軍

江州

刺史徒都督荆雍益梁寧南北秦八州諸軍事

鎮西將軍荆州刺史持節太祖即位遷侍中尚書令都督揚州

南徐二州諸軍事驃騎將軍開府儀同三司揚州刺史會北邊

怪動帝思為經畧乃詔曰神牧總司王畿誠為治要荆楚領馭

遐遠任寄弘隆白頃公私彫盡緩撫之宜允重常日復以為都

督荆湘雍益梁寧南北秦八州諸軍事南蠻校尉荆湘二州刺

史入為都督揚南徐三州諸軍事中書監司空揚州刺史

臨川獻王映太祖第三子宋末沈攸之事難作太祖時領南徐

州以映為寧朔將軍鎮京口事寧除淮南宣城二郡太守並不

拜仍為假節督南兗徐青冀五州諸軍事行兗州刺史復為寇

軍將軍南兗州刺史太祖踐祚以昧為使持節都督荆湘雍

益梁寧南北秦八州諸軍事西將軍平荆州刺史又領湘州

刺史不行改授散騎常侍都督揚南徐二州諸軍事前將軍揚

州刺史出為都督荆湘雍益梁巴寧南北秦九州諸軍事鎮西

將軍荆州刺史

長沙威王晃太祖第四子宋順帝昇明二年自寧朔將軍淮南

宣城二郡太守遷為持節監豫司二州之西楊諸軍事西中郎將豫州刺史尋遷使持節都督南徐兗二州諸軍事後將軍南徐州刺史世祖加冕鎮寧將軍轉舟楊尹

武陵詔王曰華太祖第五子建元年出為持節都督會稽東揚新安永嘉臨海五郡軍事會稽太祖即位以曰華為江州刺史又為舟楊尹

成安恭王嵩太祖第六子建元年除冠軍將軍鎮石頭代領軍事四年出為使持節都督江州豫州之晉熙諸軍事南中郎將江州刺史永明二年為南徐州刺史九年遷散騎常侍秘書監領石戍事

鄱陽王將太祖第七子建元四年世祖即位以鏘為使持節都督雍梁南北秦四州荊州之竟陵司州之隨邵軍事北中郎將寧蠻校尉雍州刺史朞年轉征虜將軍舟楊尹尋加散騎常侍時進號撫軍出為江州刺史玖年始親府州事加使持節督江州諸軍安南將軍

桂楊王鑠字宣明太祖第八子永明二年出為南徐二州刺史鎮京口歷代鎮府鑠出藩始省軍府

始子簡王鑑太祖第十子永明二年世祖始以鑑為持節都督益寧二州軍事府將軍益州刺史八年進號安西將軍明年為散騎常侍秘書監領石頭戍事

衡陽王鈞太祖第十一子出繼九王道度永明四年為江州刺史累遷左衛將軍為世祖所知兄弟中意遇次鄱陽王將十年

轉中書令領石頭戍事

江夏王鋒太子第十二子永明七年自輔國將軍南彰城平王
二郡太祖迂右衛將軍仍轉侍中領石頭戍事攷州出為徐州
刺史

南平王鏡太祖第十五子永明十年出為持節都督湘州諸軍
事南中侍將軍湘州刺史

宜都王鑑太祖第十六年永明十一年為持節都督南豫司二
州軍事冠軍將軍南豫州刺史

晉熙王鈺太祖第十八子隆昌元年出為持節都督郢司二州軍
事冠軍將軍郢州刺史

河東王鉉太祖第十九子隆昌元年為驍騎將軍出為徐州刺

史

竟陵文宣王子良世祖第二子宋末永明三年為使持節都督
會稽東陽臨海永加新安五郡輔國將軍會稽太守太祖建元
三年穆妃薨去官仍為征虜將軍丹楊尹世祖即位以為持節
都督南徐兗二州諸軍事鎮北軍南徐州刺史永明元年徒進
為侍中都督南兗徐青冀五州征北將軍南兗州刺史持節如
故明年入為護軍將軍兼司徒鎮西州十年領尚書令尋為使
持節都督揚州刺史隆昌元年進督南徐州

廬陵王子卿世祖第叁子世祖即位為使持節都督郢州司州
之義楊軍事冠軍將軍郢州刺史永明元年徒都督荆湘益寧
梁南北徐兗州安西將軍荊州刺史永明元年迂使持節都督

南豫司三州軍事驃騎將軍南豫州刺史

魚復侯子響世祖第四子永明三年自輔國將軍南彭城臨淮二郡太守遷使持節都督豫州郢州之西揚汝南二郡軍事冠軍將軍豫州刺史肆年進號右將軍進督南豫州之歷楊淮南潁川汝楊四郡尋出為江州刺史赤年遷使持節都督荆湘雍梁寧南北秦七州軍事鎮軍將軍荊州刺史

安陸王子敬世祖第五子永明二年出為持節監南兗州軍事平西將軍荊州刺史拾年轉散騎常侍撫軍將軍舟揚尹隆昌元年遷使持節都督南兗五州征北大將軍兗州刺史晉安王子懋世祖弟朶子永明叁年為持節都督南豫司三州南中郎將豫州刺史魚復侯子響為豫州子懋解督四年進號

征虜將軍南豫新置力役寡少加子懋宣城太守五年為監南兗兗徐青冀五州軍事後將軍南兗州刺史六年徙監湘州平南將軍湘州刺史明年加持節都督八年進號鎮南將軍九年親府州事十一年為使持節都督雍梁南北秦四州到州之竟陵司州之隨郡軍事征北將軍雍州刺史隆昌元年為都督江州刺史

隨郡王子隆世祖第八子永明三年自輔國將軍南琅琊彭城太守遷江州刺史未拜遷持節都督會稽東陽新安臨海永嘉郡東中郎將會稽太守八年代魚復侯子響為使持節都督荆雍梁寧南北秦六州鎮西將軍荊州刺史其年始興王鑑罷益州進號督益州九年親府州事

建安王子真世祖第九子永明四年自輔國將軍南琅邪彭城二郡太守遷持節都督南豫司二州軍事冠軍將軍南豫州刺史領宣城太守進號南中郎將永年進號右將軍遷丹陽尹出為持節都督郢司二州事平西將軍到州刺史

西揚王子明世祖第十子永明六年為持節都督南兗兗徐青冀五州軍事冠軍將軍南兗州刺史十年進左將軍督會稽東楊臨海永嘉新安五郡軍事會稽太守

南海王子罕世祖第拾壹子永明六年為北中郎將南琅邪彭城二郡太守帝初以白下地帶江山徙瑯邪郡白江金城治之子罕始鎮此城十年為持節都督南兗兗徐青冀五州軍事征虜將軍南兗州刺史

巴陵王子倫世祖第十三子永明七年為持節都督南豫司二州軍事南中郎將南豫州刺史十年遷北中郎將南豫州刺史二郡太守

始安王遙光太祖次兄貞王道度之孫明帝欲即位誅賞事准遙光共謀議建武元年以為持節都督揚徐二州諸軍事前將軍揚州刺史無子以江陵公寶覽為後永元年為持節督湘州輔國將軍湘州刺史

遙光弟遙欣延興元年明帝樹置以遙欣為持節督兗州緣唯軍事寧朔將軍兗州刺史仍為督豫州之西陽司州之汝南二郡輔國將軍豫州刺史未之任建武元年進號西中郎將遷使持節督荆雍益寧梁南北秦七年軍事右將軍荊州刺史明帝

子第弱小晋安王寶義有廢疾故以遙光為揚州居中遙欣居
陝西在外權勢并在其門四年進號平西將軍永泰元年以雍
州魏兵至詔遙欣領刺史寧蠻校尉移鎮襄陽魏兵退不行遙
欣第遙昌延興元年除黃門郎未拜仍為持節督郢州二州軍
事寧朔將軍郢州刺史後督豫州郢州之西楊司二州之汝南
二郡軍事征虜將軍豫州刺史

桂楊王昭粲文惠太子第四子壽林王立以皇弟封永楊郡王
南徐州刺史延興元年出使持節督荆雍益寧梁南北秦七州
軍事西中郎將荊州刺史

安陸昭王緬明帝弟永明二年自太子詹事出為會稽太守遷
使持節都督雍梁南北秦四州竟陵司之隨郡軍左將軍寧蠻

校尉雍州刺史

緬子寶暉嗣安陸王為持節督湘州軍事輔國將軍湘州刺史
巴陵王昭秀文惠太子第三子隆昌元年為持節都督荆雍益
寧梁南北秦七州軍事西中郎將荊州刺史

巴陵隱王寶義明帝長子建武元年為持節都督揚南徐州軍
事前將軍揚州刺史義寶少有廢故止加除授仍以始安王遙
光代之轉寶義為右將軍領兵置佐鎮石頭二年出為使持節
都督南徐州軍事鎮北將軍南徐州刺史東昏即位進征北大
將軍始安王遙光誅為都督揚南徐二州軍驃騎大將軍揚州
刺史

江夏王寶玄明帝第三子建武元年為征虜將軍領石頭戍事

出為持節都督郢司二州軍事西中郎將郢州刺史永泰元年
還為前軍領石頭戍事未拜永元年進號驍將軍代晉安王寶
義為使持節都督南徐兗二州軍事南兗徐二州刺史廬陵王
寶源明帝第五子建元年為北中郎將鎮瑯琊城遷右將軍領
石頭戍事仍出為使持節都督南兗兗徐青冀五州軍事後將
軍南兗州刺史徒為都督會稽東楊臨海永嘉新安五郡軍事
會稽太守

鄱揚王寶寅明帝第六子建武二年為北中郎將鎮瑯琊城明
年出為持節都督江州郡事南中郎將江州刺史東昏即位為
使持節都督郢司二州軍事征虜將軍郢州刺史永元二年徵
為撫軍領石頭戍事未拜三年為車騎將軍開府儀同三司鎮

石頭和帝立西臺以寶寅為使持節都督南徐兗二州軍事衛
將軍南徐州刺史少帝以為持節都督荆益寧雍梁南北秦七
州軍事荊州刺史

邵陵王寶攸明帝第九子建武三年為北中郎將鎮瑯琊城永
元元年持節都督南北徐兗青冀五州軍事南兗州刺史未拜
遷征虜將軍領石頭戍事丹楊尹陳顛達平為持節都督江州
軍事左將軍江州刺史

晉熙王寶嵩明帝第十二子永元二年為冠軍將軍丹楊尹仍
遷持節都督南徐兗二州軍事南徐州刺史將軍如故

桂陽王寶貞明帝第十一子永元二年為中護軍北中郎軍領
石頭戍事

新刊監本兩府元龜卷之二百柒拾玖

新刊監本兩府元龜卷之二百八十

宗室部

領鎮第三

梁臨川靜惠王宏字宣太祖第六子高祖義師下宏至新林奉
迎拜轉國將軍建康元年遷西中護軍領石頭戎軍事天監元
年為使持節散騎常侍都督揚南北二州諸軍事後將軍揚州
刺史四年冬權以宏為都督南北兗北徐青冀豫司霍八州北
討諸軍事八年為持節都督揚南徐二州諸軍事司空揚州刺
史十七年以公事左遷侍中普通元年復為持節都督揚南徐
二州諸軍事太尉揚州刺史

安成康王秀太祖第七子高祖義師至新林諸王候悉自収伏

來越高祖以秀為輔國將軍是時東昏第晉熙王寶高為冠軍
將軍南徐州刺史鎮金口長史范岫行府州事遣使請兵高祖
以秀為冠軍長史南東海太守鎮京口城建康平仍為使持節
都督南徐兗二州諸軍事南徐州刺史天監二年徵領石頭戍
事六年為出持節都督江州諸軍事平南將軍江州刺史朶牟
遷都督荆湘雍寧南北梁秦等州諸軍事平西將荆州刺史
十一年徵為侍中衛將軍領宗正卿石頭戍事十三年復出為
使持節散騎常侍都督郢州雲三州諸軍事安西將軍郢州刺
史十六年遷使持節都督雍梁南北秦四州之竟郢州陵司州
之隨郡諸軍事鎮北將軍寧蠻校尉雍州刺史便道之鎮

李子機嗣安成王普通二年白寧遠將軍會稽太守迂明威將

軍舟陽尹二年迂持節湘衡桂三州軍事寧遠將軍湘州刺史

南平元襄王偉太祖第八子高祖義師起南康王承制以為冠

將軍軍留行雍州府事齊和帝詔以偉為使持節都督雍梁南

北秦四州郢州竟陵司州之隨郡諸軍事寧蠻校尉雍州刺史

天監元年進督荆寧二州四年徙都督南徐州軍事南徐州刺

史五年至都改為撫軍將軍舟陽尹六年迂持節督揚南徐

二州諸軍事右將軍揚州刺史未拜進號中權將軍七年以疾

表解州改為侍中撫軍知司徒事玖年迂護軍石頭戍軍事是

年出為使持節散騎常侍都督江州諸軍事鎮南將軍江州刺

史

鄱陽忠烈王恢太祖第玖子天監元年為侍中前將軍領石頭

成軍事二年出為使持節都督南徐州諸軍征虜將軍南徐州
刺史四年改都督郢司二州諸軍事後將軍郢州刺史七年進
號雲麾將軍進督虜州十年徵為侍中護軍將石頭戍軍將事
十一年為使持節都督荆湘雍益寧梁南北秦玳州諸軍事平
西將軍荆州刺史十三年遷散騎常侍都督益寧南北秦沙等
州諸軍事鎮西將軍益州刺史便道之鎮十八年為使持節散
騎常持都督荆湘雍梁益寧南北秦八州諸軍事征西將鎮開
府議同三司荆州刺史

始興忠武王憺字僧達太祖第十子高祖為雍州刺史請典憺
同行議師起南康王承制以憺為冠軍一郎與南平王偉晉守
和常將發江陵詔以憺為使持節都督荆湘益寧南北秦六州
諸軍事平西將軍荆州刺史天監元年還朝捌年為平北將軍
護軍領石頭戍軍事是秋出為持節散騎常侍都督南北兗徐
青冀五州諸軍事鎮北將軍南兗州刺史玖年春還都督益寧
南梁南北秦沙六州諸軍事鎮西將軍益州刺史十四年遷都
督荆湘雍寧梁南北秦七州諸軍事鎮右將軍荆州刺史

長沙王業高祖長兄宣武王懿子天監二年襲封長沙王六年
遷右位將軍尋為中護軍領石頭戍軍事七年出為使持節都
督南兗徐青冀五州諸軍事仁威將軍南兗州刺史玖年徐中
書令改授安後將軍鎮瑯邪彭城二郡領南瑯太守十年徵為
安右將軍散騎常侍十四年復為護軍領南琅邪彭城瑱于瑯
邪復徵為中書令出為輕車將軍湘州刺史

業弟西昌侯藻天監元年出為持節都督益寧二州諸軍事冠軍將軍益州刺史十年為左驍騎將軍領南瑯邪太守入為侍中十一年出為使持節都督雍梁秦三州竟陵隨二郡諸軍事仁威將軍寧蠻校尉雍州刺史十三年徵為使持節都督南兗兗徐青冀五州諸軍事兗州刺史頻蒞數鎮民吏稱之大通元年遷侍中中護軍時過陽始降乃以藻為使持節北討都督征北將軍鎮于渦陽三年為中將軍太子詹事出為丹陽尹太同五年出為使持節督南徐州刺史

永陽王昺游高祖次兄敷之子天監元年四月詔曰兄子伯游雖年識未弘意尚粗可漸東與區且須撫泣可督會稽東陽新安永嘉臨海五郡諸軍事輔將回軍會稽太守襲封永陽群王

衡陽嗣王元簡高祖第肆弟暢之子天監三年襲封除中書郎遷會稽太守拾叁年入為給事黃門侍郎出為持節都督廣交越三州諸軍事平越中郎將廣州刺史還為太子中庶子遷使持節都督郢州詹三州諸軍事征遠將軍郢州刺史

桂陽王象長沙宣武王第九子出繼桂陽王融起家寧遠將軍舟揚尹出為持節督司詹郢三州諸軍事征遠將軍鄂州刺史尋遷湘衡二州諸軍事遷車將軍湘州刺史徐中書侍郎我以本官行石頭戍軍事遷侍中太子詹事未科改授持節督江州諸軍事信武將軍江州刺史

吳平侯景高祖從父弟也天監元年封仍為持節都督北兗徐青冀四州諸軍事冠軍將軍南兗州刺史永年遷左衛將軍兼

領軍管天下兵要尋出為使持節督雍梁南北秦郢州之竟陵
司州之隨郡諸軍寧信武將軍蠻校尉雍州刺史十一年徵左
衛將軍領石頭戍軍事十二年復為使持節督南北兗北徐青
冀五州諸軍事信威將軍南兗州刺史十三年徵為領軍將軍
直殿省十七年大尉揚州刺史臨川王宏坐法免詔下曰揚州
應須緝理直得其人侍中領軍吳平侯景才任此舉可以安
右將軍監揚州并置左使即宅為府十九年出為使持節
散騎常侍都督郢司霍三州諸軍事安西將軍郢州刺史

景弟昌天監六年白豫章內史寧翔將軍遷使持節督廣交越
桂四州諸軍事輔國將軍平越中郎將廣州刺史九年分湘州
置衡州以昌為持節督廣州之始安諸軍事綏建湘州之信武

將軍衡州刺史

昌弟昂天監初白司徒右長史出為輕車將軍監南兗州徵為
瑯邪彭城二郡太守復以輕車將軍出為廣州刺史

南康簡王績高祖第四子天監八年出為輕車將軍領石頭戍
軍事拾年遷使持節都督南徐州諸軍事徐州刺史進踈仁威
將軍拾陸年徵為宣毅將軍領石頭戍軍事拾柒年出為使持
節都督南兗徐青冀五州諸軍事南兗州刺史普通四年徵
為持中雲麾將軍領石頭戍軍事伍年出為使持節都督江州
諸軍事江州刺史丁董淑儀憂居喪過禮高祖手詔免之使攝
州任固求解職乃徵援安右將軍領石頭戍軍事
績子會理嗣為南康王年十五拜車騎將軍湘州刺史又領石

頭戍軍諸事遷侍中兼領將軍尋徐宣惠將軍舟陽尹置佐吏
出為使持節都督南北徐青冀東徐譙七州諸軍事平北將軍
兗州刺史

廬陵威王績高祖第五子天監十六年自會稽太守為都督江
州諸軍事雲麾將軍江州刺史普通元年徵為宣毅將軍領石
頭戍軍事卷年為使持節都督雍梁秦沙四州諸軍事西中郎
將軍南徐州刺史大同二年又為使持節都督雍梁寧沙四州
史軍事平北將軍寧蠻校尉雍州刺史給鼓吹一部通元年為
大使持節都督江州諸軍事安南將軍江州刺史三年徵為護
將領石頭戍軍事伍年為驃騎將軍開府儀同三司又出為使
持節都督荊郢州雍南北秦梁巴華九州諸軍事荊州刺史

邵陵携王綸高祖第六子普通元年領石頭戍軍事尋為江州
刺史伍年以西中郎將權攝南兗州中大通元年為舟揚尹大
同七年出為使持節都督郢定霍司四州諸軍事平西將軍郢
州刺史遷為安前將軍舟陽尹大同元年出為鎮東將軍南徐
州刺史

綸子永安侯確太清中為南中郎廣廣州刺史

尋陽王天心太宗第二子高祖大同元年出為使持節都督郢
南北司定新五州諸軍事輕車將軍郢州刺史朶年徵為侍中
兼石頭戍軍事太清元年出為雲麾將軍江州刺史

南海王大臨太祖第四子大寶元年出為使持節都督揚南徐
三州諸軍事安南將軍揚州刺史

南郡王大連字靖太宗第五子大同拾年以侍中兼石頭戍軍事太清元年出為使持節輕車將軍東陽州刺史

安陸王大春字仁經太宗第六子太同中以為寧遠將軍知石頭戍軍事太寶元年為使持節雲麾將軍東揚州刺史

新興王大壯太宗第十三子大寶元年為使持節都督南徐州諸軍事宣毅將軍南徐州刺史

西揚王大鈞太宗第十四子大寶元年出為宣惠將軍舟揚尹貳年監揚州

武寧王大威太宗第十五子大寶貳年為信威將軍舟揚尹

建平王打球太宗第十七子大寶貳年為經車將軍兼石頭戍軍事

陳宜黃侯惠紀高祖之縱孫光大元年以功除持節通宜散騎常侍宣達將軍豐州刺史大建拾年吳明徹北討敗績以紀為持節智武將軍緣江都督兗州刺史尋除使持散騎常侍宣毅將軍都督邑二州諸軍事至德貳年遷使持節散騎常侍雲麾將軍都督荊信二州諸軍事荊州刺史

始興王伯茂世祖第二子永定三年自寧遠將軍除使持節都督南瑯邪彭城諸軍事彭城大守進號宣惠將軍揚州刺史天嘉三年除鎮東將軍開府儀同三司東揚州刺史

鄱揚王伯山世祖第三子天嘉六年為浚江都督平北將軍南徐州刺史光大元年徙為鎮東將軍揚州刺史大建元年徵為中衛將軍中領軍赤羊又為征北將軍南徐州刺史尋為征南

揚州刺史

晉安王伯恭世祖第六子大建元年為中衛將軍揚州刺史六年出為安南將軍南豫州刺史拾肆年出為安南將軍湘州刺史

衡陽王伯信世祖第柒子天嘉元年為宣達將軍舟揚尹禎明元年出為鎮南將軍衡州刺史

廬陵王伯仁世祖第八子大建七年遷冠軍將軍中領軍尋為平北將軍南徐州刺史

江夏王伯義世祖第玖子大建初為宣毅將軍東揚州刺史尋為宣毅將軍持節散騎常侍都督合廬一州諸軍事合州刺史武陵王伯禮字用之世祖第十子大建初為雲旗將軍持節都

督吳興諸軍事吳興太守

永陽王伯智世祖第拾貳子累遷尚書左僕射出為使持節都督東陽豐貳州諸軍事平東將軍領會稽內史

桂陽王伯謀世祖第拾叁子大建中為信武將軍丹揚尹拾年加侍中出為持節都督吳興諸軍事東中郎將吳興太守

豫章王叔英高宗第貳子大建元年為宣惠將軍都督東揚州諸軍事揚州刺史伍年進號平北將軍南豫州刺史拾壹年為鎮前將軍江州刺史

長沙王叔堅高宗第肆年大建肆年自東中郎將吳郡太守為宣毅將軍江州刺史柒年進號雲麾將軍郢州刺史未拜轉為平越中郎將廣州刺史尋為平北將軍合州刺史捌年復為平

西將軍郢州刺史拾壹年入為翊左將軍舟揚尹是年進號驃騎將軍開府儀同參司揚州刺史正德叁年出為征西將軍荊州刺史

建安王叔卿高宗第五子大建肆年授東中郎將東揚州刺史
柒年為雲麾將軍郢州刺史玖年進號安南將軍又征南將軍
湘州刺史

宜都王叔明字子貼高宗第陸子大建柒年授東中郎將東陽州刺史拾叁年出為使持節雲麾將軍南徐州刺史

河東王叔獻高祖第玖子大建為散騎常侍軍師將軍南徐州諸軍事徐州刺史

新蔡王叔齊高宗第十一子大建中為東中郎將揚州刺史

晉熙王叔文高宗第拾貳子大建中為輕車將軍揚州刺史至

德元年授持節都督江州刺史貳年遷信威將軍督湘衡武桂四州諸軍事湘刺史

始興王叔重高宗第拾肆子大建末為仁威將軍揚州刺史明年加持節江州諸軍事江州刺史

岳揚王叔慎高宗第拾陸子至德肆年拜侍中智武將軍舟揚尹
尹禎明元年出為持節都督湘衡桂武四州諸軍事智武將軍
湘州刺史

義陽王叔達高宗第拾柒子禎明元年除舟揚尹

南平王疑後主弟貳子至德元年自南瑯邪彭城貳郡大守遷揚州刺史進號鎮南將軍尋為使持節都督鄖荆湘三州諸軍

事征西將軍郢州刺史

永嘉王彥俊後主第三子至德中為忠武將軍南徐州刺史進
號安南將軍持節都督江邑東衡三州諸軍事江州刺史

南海王虔後主弟伍子禎明二年出為此將軍南徐州刺史

信義王祗後主第六子至德中為壯武將軍為使持節都督智
武將軍瑯邪彭城二郡太守

會稽王莊後主第八子至德中為翊前將軍除使持節都督揚
州諸軍事揚州刺史

後魏曲陽侯素延桓帝之後道武征討諸吹部初定并州為刺
史中山平拜幽州刺史

且都王自辰桓帝之後孝文即位除雍州刺史鎮長安

司徒石平文帝之玄孫也從太武南討至瓜步山進尚書令雍
州刺史

松滋侯長平文帝之後宣武時為北中郎將帶河內太守歷位
度之尚書侍郎雍州刺史

長子華孝莊初除齊州刺史後除濟州刺史孝靜除初南兗州
刺史

河間公齊烈帝玄孫也齊孫志字猛畧宣武時除荊州刺史孝
明帝為揚州刺史

衛王儀昭成帝孫從道武征代有功中山平道武將還代都置
山中行臺詔儀守尚書令以鎮之

儀子中山簡王纂始五歲道武命養於宮中恩與皇子同太武

踐祚除定州刺史

陳留景王山宗昭成魯孫道武時拜并州刺史崇孫琛位鎮翔
二州刺史

儀孫沛郡公禎孝時拜南豫州刺史

隴西公嶮昭成帝之後文成即位除秦州刺史

淮南靖王他道武孫大武時除使持節都督豫洛河南諸軍事
鎮南將軍開府儀同三司鎮虎牢從征於懸瓠破之拜使持節
都督雍秦二州諸軍事鎮西將軍開府儀同三司雍州刺史鎮
長安時宋侵南鄙以他威信素著復為虎牢鎮都督大將高宗
時轉使持節都督涼州諸軍事鎮大將軍
他子篤自光祿勳卿出除平北將軍幽州刺史

法壽第法僧自司空祿除龍驤將軍益州刺史後徵拜光祿大
夫出為東平將軍兗州刺史轉安東將軍徐州刺史

淮南康王世遵靖王魯孫也宣武時拜前行幽州事兼西中
郎將又行青州事尋遷驃騎軍出為征虜將軍幽州刺史孝時
明荊州刺史尋加前將軍沔南蠻首及襄陽民望密引世遵諸
以襄陽內附世遵表求赴應朝儀從之詔曰加世遵持節都督
荊州及沔南諸軍事平南將軍加散騎常侍後除平北將軍定
州刺史

他孫法壽自中散大夫出除龍騎將軍安州刺史

武昌成王提道武孫大孫時拜使持節鎮東大將軍平鎮都大
將軍在任十年大著威名後與淮南王他討平吐蕃版胡遷使

持節車騎大將軍統萬鎮都大將軍

子簡王平原猷文時蠕蠕犯塞從駕擊之平從原戰功居多拜假都督齊兗二州諸軍事征南將軍齊州刺史孝文時遷教督秦雍梁益四州諸軍事征南大將軍開府雍州刺史鎮長安平原子悼王鑒孝文時出為征虜將軍齊州刺史宣武初以本將軍轉徐州刺史

鑒兄和襲鑒爵為河南王孝明帝時出為輔國將軍涼州刺史鑒弟旭自太僕少卿出除安西將軍東秦州刺史

南平安王渾道武孫為廣平王逆後大武將軍時拜假節都督平州諸軍事領護東夷校尉鎮東大將軍儀同三司平州刺史鎮和龍在州緩道有方徒州鎮將都督西戎諸軍事領護西城

校尉渾子哀王纂孝文時出為安北將軍平州刺史

纂弟之子武貞王仲罔孝文時出為輔國將軍光州刺史遭母憂还孝昌末除秦州刺史

江楊武烈王繼南平王霄之子為江楊王根後孝文時除使持節安北將軍撫冥鎮大將軍轉都督柔玄撫冥懷荒三鎮諸鎮軍事鎮北將軍柔玄鎮大將軍入為左衛將軍兼侍中又兼中領軍留守洛京尋除持節平北將軍鎮攝舊都宣武時除征虜將軍青州刺史轉柔北將軍鎮州刺史

繼子羅為平東將軍青州刺史梁武遣將寇邊又為撫軍都督青光南青三州諸軍事入為宗正卿出帝時除使持節驃騎大將軍開府儀同三司梁州刺史

樂安王範明元子太武以長安形勝之地乃拜範衛大將軍開府儀同三司長安鎮都大將軍

範子簡王良文成時襲王爵拜長安鎮都大將軍雍州刺史

東平王翰大武子自中軍大將軍鎮袍罕以信惠撫衆羗戎敬服子道符襲爵中軍大將軍猷文踐阼拜長安鎮都大將軍

臨淮懿王提大武孫為梁州刺史

提子孝友襲爵臨淮王累遷滄州刺史

廣楊懿烈王嘉大武孫孝友時拜除州刺史後為尚書左僕射與咸楊王禧等輔政迂司州牧

嘉子忠武王深孝文時拜肆州刺史歷鎮州刺史入為侍中右衛將軍定州刺史

深子文猷王湛孝靜初累遷冀州刺史入為侍中後行司州牧京兆王子推景穆帝子初為侍中征南大將軍長安鎮州將秦雍之人服其威惠孝友即位拜侍中開府儀同三司青州刺史子推子大興襲爵拜長安鎮大將軍

大興子暹莊帝初為南兗州刺史累遷秦州刺史泰普元年除涼州刺史

大興第饒男陽遙孝明帝時白左光祿大夫仍領護軍迂冀州刺史

大興孫文王恂孝靜時累迂司州牧青州刺史

任城康王雲景穆帝子和平五年封拜使持節侍中征東大將軍和龍鎮都大將軍猷文時除都督徐兗二州緣淮諸軍事征

東大將軍開府徐州刺史後為冀州刺史乃心政事甚得不情
孝文嘉之迂使持節都督陝西諸軍事征南大將軍長安鎮都
大將軍雍州刺史

子文宣王澄孝文時除都都梁荆三州諸諸軍事征南大將軍
梁州刺史後轉征東大將軍開府徐州刺史甚有聲績從坐公
事免官尋兼吏部尚書鎮東刺史宣武時出為平西將軍梁州
刺史亂以母老徐安東將軍湘州刺史復固亂改授安西將軍
雍州刺史尋徵赴季秋講武除都督淮南諸軍事鎮南大將軍
開府儀州刺史鎮北大將軍定川刺史

澄子順為給事黃開侍郎時元義威刑志盛順曾詣義至於朝
論得失順常鯁言正議不阿旨此由見憚出除平北將軍鎮州
刺史轉為安東將軍齊州刺史

順弟高宣武時以武衛將軍兼侍中出為平南將軍荊州刺史
又除平北將軍鎮州刺史轉平東將軍徐州刺史又轉安南將
軍揚州刺史

高子衛縣男世儁自河南尹除鎮東將軍青州刺史

高第瞻自宗正少卿龍騎將軍光州刺史迂平東將軍兗州刺
史

書

